

PROCEEDINGS OF THE THIRTEENTH SESSION OF THE SECOND
MIZORAM STATE LEGISLATIVE ASSEMBLY FROM 12.3.93 TO 2.4.93.

3RD SITTING ON TUESDAY, THE 16TH MARCH, 1993 AT 10.30 A.M.

PRESENT

PU ROKAMLOVA, Speaker at the Chair, Chief Minister, twelve Ministers, Deputy Speaker and twenty three Members were present.

S P E A K E R : Heng hi in thil tih tur chu a ni ang:
Mi tinin mahni the~~nawm~~ hnenah thudik
tak sawi theuh ula,
In kawngka bulah thu dik leh remna ro
rel rawh u.
Tumah rengin in thinlungah in thenawm
te tana
Tha lo tur chu suangtuah suh ula,
Dawta chhechham chu pawm suh u.
Heng zawng zawng hi ka thil huatte
chu an ni,

Zakaria 8:16-17

4awhna pakhatna Pu Rualchhina'n han zawt
selangin.

PU RUALCHHINA : Pu Speaker, ka zawhna, starred Question
No. 1-na Will the Hon'ble Minister in-
charge Public Works Department be pleased
to state -
Vaivakawn-Ropaiabawk Tanhril kawng lei
minin a hnawl tak hi Sawrkarin siam tumna a nei em ? tih
ka zawt e.

PU LALHUTHANGA : Pu Speaker, tun maiah chuan siam tumna
MINISTER a awm lo.

PU RUALCHHINA : Pu Speaker zawhbelhna- khulai khu kawng hnai tak a ni a. Tin, a siam dan tura khu lungtama laih pawh a ngai lova, siam theih mai a ni a. Tin, khulai kawngina a paltlang, Vaivakawn - Zohnuai an tih takte khu siam tum a nih lem loh pawhin a mi bitna chin tal khu, an tualte khu a chhe tawh lutuk a black top a siam kan Minister-in a tum thei angem le.

PU LALHUTHANGA : Pu Speaker, bialtu zahawm takina a
MINISTER rawn rawtna ang khan 1993-94 ah hi chuan black top thlenga ruahman tum na tunah hian rawt mek a ni e.

S P E A K E R : Zawhna 2-na Dr.R.Lalthangliana.

Dr.R.LALTHANGLIANA : Pu Speaker, ka zawhna 2-na Will the Hon'ble Minister in-charge Public Works Department be pleased to state -

(a) Total expenditure already incurred on Lunglei - Thenzawl Road under Lunglei Division from January, 1989 till this date.

(b) Total length of road covered on SMBT.

PU LALHUTHANGA : Pu Speaker, (a) na - Total expenditure
MINISTER already incurred on Lunglei-Thenzawl Road under Lunglei Division from 1989 till date upto February, 1993 is Rs. 433.20 lakhs.

(b) S.M. = 38.150 Km.
B.T. = 33.845 Km.

Dr.R.LALTHANGLIANA: Pu Speaker, zawhbelhna- Helai kawng hi kan sengso hnem hle tawhin a lang a, 7th Plan-ah ngawt khanin nuai sangkhat leh sawnga leh pahnih singnga sangli kan seng niin PWD-in a recorded a. Hei tun tumah pawh cheng nuai zali leh sawmthum leh pathum zet sen a ni a. Black topping hi tuna kan Minister-in a sawi ang khan khang kha a ni a. A kawng saw a chhe ropui si a, Mizorama kawng black top-ah chuan a chhe berin ka hria a. Heti em em maia expenditure nasa hi a chhan House -ah min hrilhfiyah se tih ka zawt duh a.

Tin, a pahnihnaah chuan, Hmuifang Division khanin engemaw zat Maulthum dai thleng saw an rawn la phei tawh niin a lang a. Engvanga Hmuifang PWD Division hianin saw lama he kawng hi rawn thawk ta nge tih kha min rawn hrilhfiah theih chuan ka zawt duh bawk a.

Tin, pathumnaah chuan hemi kawng huam chhungah hianin Work Item silo thil tam tak material supply a awm a ni tih record a awm a. Hei hi sawrkarin a hria em? Chutianga, hemi chhunga a nih lohna tur anga material lei a nih si chuan engtingge sawrkarin a tih dawn? tih kha ka zawt e.

PU VANLALNGHAKA : Pu Speaker zawhbelhna - He kawng pawimawh tak a ni a kan hre theuh a. An that deuh chang chuan Serchhip lampanga kal ai chuanin Lunglei kal dawn pawhin hemi kawng hi kan kal duhna theuh a ni a. A pawisa sena kha chu engzat pawh lo nise, Re. 1 pawh lo nise Rs.10 pawh lo nise, saw ai a tha deuh sawn sawrkarin tih tunna a nei em? Kan black top te saw a lak tlak loh lulai deuh em a, saw saw siam that dan a awm em tih ka zawt duh a.

Tin, ka zawh leh duh chu hmanah khan kan Session hmasa hmasa lehah khanin tuna kan Health Minister ta hianin a sawi ka la hre reng a, an lung supply a tha lo hle a ni a ti a. Kha kha lung tha zawk supply a ni tawh em? A ngai reng a nih avang khan a chhe ta reng a ni lo maw?

PU LALHUTHANGA MINISTER : Pu Speaker, black top chhia chung chang tih kha, keini chuan a tha theihtawpa kan siam ve a ni a. Amaherawhchu a tha lai laite a lo awm palh a nih chuan chu chu ennawn a dik ang a.

Tin, sawlai kawngah sawn pawisa soiling mettaling leh black topping mai bakah hian widening kan ti a, kawng zauh belhnate in sawmi kawng han siam that lehna deuh te leh culvert te leh fetaining wall te kan pawisa sensoah khan a tel a. Soiling, mettaling leh black topping chang lo ah pawh hian. Chu chu member zahawm takte hian in lo hriat belh atan kan duh a.

Tin, Hmuifang Division-in engvanginngge sawlai Lunglei Division-ina an lo enkawl thin in han pek tlem tak tihnaah ka ngai a, zawhna pahnihna rawn belhnaah khan. Hei hi, sawlai kawng saw a rang thei ang bera tihchhuah kan duh a. Lunglei Division saw Division -ah chuan Work Load ngah ber a ni a. Chuvang chuan hemi Hmuifang Division kan

tih hian hna a ngah vak lova, sawmi kawng saw va lak then sak se kan ti a. Sawlai tlangdungte mamawhna leh sawlai kawng kan ngaihtuahna zawkah sawn. Chu chu Hmuifang Division ina kan lak thentir na chhan a ni a.

Tin, Work Item nilo, engvanginngesawlaiah sawn supply a nih tih kha kan hre miah lova. Work Item ni lo chu nakinah ziak pawhin emaw tawngka pawhin emaw session zawhah pawh hian min hrilh se, chu chu lo chhui dan pawh a awm theiin ka ring a.

Tin, Hnahthial bialtu zahawm takina a rawnsawi, kawng tha deuha siam tumna a awm em tih kha, tha deuha siam tumna chu kan nei a, tha lehzual, chu chu a tha thei ang ber kan tum a ni. Tin, lung tha zawk hman a tih, a rawn zawhnaa kha Mizoram lung hi a chhe em em mai a, hetiang soiling-naa han tih dawn hian, ruah a sur a, ni an saa a han em hian sawm dup dupte chutiang chu a tam mai a. Amaherawhchu sawlala lung kan hman saw a tha thei ang ber tura, department -tena approved sawlaiah sawn hman a ni e.

Dr. R. LALTHANGLIANA : Pu Speaker, kan zawhbelh leh ang a. Hmuifang Division-ina an hmui an thawh takna chhana kha a rawn sawi a. Lunglei PWD Division hian a huam zau lutuk a. Hnahthial lam ah Lungsen lampangah tiang khan a huam a, helampangah a rawn kal thui baw si a. Sawlai tlangdungah sawn Sub-Division tal hawn tumna kan sawrkar hian a nei em tih kan zawt teh ang.

PU R. ROMAWIA : Pu Speaker, zawhbelhna-Lunglei Division Work load a nasa a, Division thar siam tum tih a awm reng a. Tin, chumi rual rual chuan sawmi tlangdung enkawl bik tur pawh Sub-Division hawn tumna tih hi session apiangin Hon'ble Minister-te hianin an sawi a. Mahse vawin ni thlenga saw-tiang a Lunglei Division pawh hawn la awm lova, Sub-Division ah pawh hawn tharna la awm loa hi engngeni a chhan min hrilh theih chuan ka lawm ngawt ang.

PU LALHUTHANGA : Pu Speaker, khami zawhna neituin MINISTER a han sawi ang khan sawlai Lunglei Division saw work load a tam kan i tih tawh kha, a area a zau a. Tun 8th Five Year Plan-ah hian Division a then tumna tunah hian ruahman a ni a. Chu chu 8th Five Year Plan chhung hian saw Division pakhat saw Division pahnih a then tum a ni a. Tah chuan hemi pawisa harsatna avang hian min la rawn clear sak lova. Amaherawhchu nakkum emaw kum leh emaw chuan kan hmuh hman ngei pawh kan inbei-sei a, kan bawr na viau a ni.

PU J.H.ROTHUAMA : Pu Speaker, ka zawhna Starred Question No. 3-na Will the Hon'ble Minister in-charge General Administration Department be pleased to state-

- (a) V.I.P. Light (Motor) a hmang thei chin hi siam a ni em ?
- (b) Eng hna chelh chin hian nge hmang thei le ?

PU LAL THANHAWLA CHIEF MINISTER : Pu Speaker, member zahawm tak Pu J.H.Rothuama zawhna kha V.I.P Light (Motor) a hmang thei chin hi siam a ni em ? tih a ni a. A chhanna chu 'Nie' tih a ni a

(a) na chu (b) na - Eng hna chelh chin hian nge hmang thei le ? tih a ni a. A chhanna chu - Heng hna chelhte hian an hmang thei -

1. Governor
2. Chief Minister
3. Cabinet Minister/Speaker/Minister of State/ Deputy Speaker/Deputy Minister
4. Vice Chairman, State planning Board
5. Chief Secretary/Principal Secretary/Commissioners
6. All Secretaries to the Govt. of Mizoram.
7. District Magistrate
8. Inspector General of Police
9. D.I.G.Ps.
10. SPs in charge of Districts
11. Pilot vehicles of V.I.Ps
12. Chairman K.V.I. Board
13. Chairman, ZIDCO
14. Chairman MIZOFED

Hengte hi sawrkarina V.I.P Light hmang thei tura a bitukte chu an ni.

PU J.H.ROTHUAMA : Pu Speaker, zawhbelhna - State dangah hian V.I.P. Light hi an strict em em a, Mizoram ang em em hian an hmangin ka hre mang l lova. State dangah hian Secretaries-te hian V.I.P. Light hi an hmang ve peng em tih ka zawt belh duh a. Tin, chubak ah chuan sawrkarin V.I.P. a neih chinte hi tutenge ni, M.L.A. te hi an tel em ? tih kan zawhbelh duh bawk a ni.

PU LAL THANHAWLA
CHIEF MINISTER

: Pu Speaker, V.I.P. Light tih hi kan hun hmate pawhin kan hunlaite pawhin kan ngaihtuah fo tawh thin a. Vawin ni thlenga State dang aia kan

chhangchhe bik nia a lanna chu rambuai chhung zawng khan engemaw security leh buai chungchang thua engemaw dan leh thrupek kengkawhtuten access tha zawk emaw ni chutiang a nih theihnian chuan an lo phalrai deuh a ni. Chu chu tunah hian an chhawn chho deuh zel a, han inchhawk dawn nikhua leh han insiam that dawn nikhua hian harsatna tam tak kan tawh thin a. Tuna kan tih pawh hi a renchem thei ang bera kum 1990-a kan revised leh tawh kha a ni a. Tin, State dang kan han kal phak vena chinah chuan an renchem viau a riin a lang a, a State hrim hrimah chuan Secretary-te hi hetiang light hmang thei chinah an tel em ? an tel lo em tih ka zuk hre thei dawt lova mahse ka rindanin an tel lo a ni mawi awm mange aw state thenkhatah chuan te ka ti a. Tin, thenkhatah chuan an tel nite pawhin a lang ve leh ang thung a. Helai hi chu fiah takin ka chhang mai thei lova. Mahselangin heng an siam dawn hian a theih chen chenah chuan state thenkhat te chu an entawn a ni.

Tin, MLA-te hi keini stafe ah hi chuan V.I.P. anga ngaih kan nih avangin hemi thlenin nikhua leh thil dang dangah pawh duty-a kan kal phei chutiang tbeat tura tih chu kan ni.

PU R.ROMAWIA

: Pu Speaker, zawhbelhna V.I.P. hmangtuina a vehicle a hman tawh loh hnu pawha fit zawm zela la awma motora la chuang vu maia hi, hei hi sawrkarin a hria em? Engtingne ngaihtuah zui a tum ?

PU LALRAWNLIANA

: Pu Speaker, zawhbelhna - Rambuai lai Khan Corporation kha a awm vak lova, tunah kan nei ta nual a, engatinge rambuai laia awm si lo tuna kan pek belh teuh, MLA pawh anni mang lova a thente phei chu. Engnge an pawimawh em em na ? tih ka zawtbelh duh a. Tin, State dang, khung, 1. December vela kan zuk zinnaah chuan Secretary hi an pelo kan zinna State-ah chuan. Engatinge hetilalah pek an nih ? Rambuai a ni tawh bawh silo.

PU LAL THANHAWLA
CHIEF MINISTER

: Pu Speaker, Vanva baaltu zahawm tak zawhna kha, heng V.D.P. Light vuah thei chinte hi anmah ni a entitled Officer-te emaw mihringate an awm loh chuan

hmang lo tura khuh tha tura tih an ni. Tin, an zin san pawhin Driver te leh midangin an hmang a nih pawhin entitled Officer -te an awm loh kha chuan khuh tura tih an ni. A fix a lakthlak theih loh a nih pawhin, chu chu strict taka, a hmang lo Officer-te leh midangte kan awm a nih chuan chu chu a dik lova. Tin, Corporation hi rambuai hma chuan kan ramah hian a awm mumal lova, amaherawhchu a lo awm takah chuan Corporation-a Chairman chinte chu mi pawimawh tak an ni a. Pu Speaker, M.L.A. ni kher lo pawh hi mi pawimawh dinhmun an ni a, a tlangpuiin kan ramah hian Minister of State te, Minister rank te pek anni nual a. Chuvanga pek chu an ni ang ka ring.

- PU T.C.PACHHUNGA : Pu Speaker, ka zawhna Starred Question No.4-na Will the Hon'ble Minister in-charge Public Works Department be pleased to state -
- (a) 1989 atang khan kawngpui thar engtianga sei nge laih zawh a nih ?
- (b) Black top engzat a sei nge zawh a nih ? tih ka zawt e.

- PU LALHUTHANGA MINISTER : Pu Speaker, kum 1989 atang khan kawngpui thar Kilometre 179.90 laih zawh a ni a. Tin, black top 1989 atang khan Kilometre 246.12 black top a ni.

- PU T.C.PACHHUNGA : Pu Speaker, zawhbelhna- Kan Sawrkarin tunkum hnih kum thum chhung leka hetiang kawngpui thar a lo lai tlang hi ropui ka ti hle a. A bik takin kan bial chhung, Aizawl West - I bial chhungah hian kan sawrkar in hna nasa takin a thawk a. Tunah hian State Bank atanga Dinthar kawm thleng te, Bungkawm atanga Lawipu thlengte, Dinthar - Khatla a lo chhuak turte black top hna thawh mek a ni a. Tin, Vety Directorate atanga Maubawk kawm thleng black top leh laih zawh hna an rawn thawk a. Tun a black top hna thawh mek hi engtikah nge zawh anih ang tih ka zawt e.

- PU H. RAMMAWI : Pu Speaker, zawhbelhna - Km. 246.12 lai black top hi Lunglei aia a hla deuh ang a. Chu black top chu khawiah nge a awm tak ? Khawngaih takin han sawi zar zar teh se.
- PU VANLALNGHAKA : Pu Speaker, PWD hianin tun hnai ah hian, hna an thawk tha viau tih chu a hriat mai a. Hmanni kan Governor hmasa khan, hna a thawh tlem tir lutuk a. Chu chu kan sawi lang hmasa duh a. Tin, ka bial panna **khawthlir** kham hna an thawhna khi, Khawbung bialtu pheii chuan, an bial atang pawh a a bengchen thu a sawi hial a. Chu pawh chu kan la telh lo nghe nghein ka hria. Amaherawhchu tunah hian explosive an nei lo deuh a, pek belh theih an ni ang em ?
- PU VANLALNGENA : Pu Speaker, tun Sorkarah hian Truck kawng hawn a tam viauva. Truck kawng engzatnge hawn ni tawh, eng chen a sei nge ? Tin, Jeep kawng engzatnge hawn ni tawh, K.M. engzata sei nge ? Tin, Sorkar hmasaah khan Truck kawng engzatnge hawn ? K.M. engzata sei nge ? A chhan theih em aw?
- PU R. ROMAWIA : Pu Speaker, Sorkar hmasa a laih zawh tawh, Jeep kawngte hi Labour 2/3 an pe a, kawngthar hawnin an hawng zel a. Chutiang bawkin Jeep lo kal theihna reng reng pawh an han thei thar a, a tharin an bill ta zel a. Chutiang chu engzat nge an hawn tih ka zawt e.
- PU LALHUTHANGA MINISTER : Pu Speaker, Aizawl West I bialtu in a bial chung a rawn zawh kha Hei Working siam kan ti a. Ruah sur leh sur lohah a innghat ve l tlat mai a, black top hi chu. Ruah tui a tlak hma leh kan thawk tlem a, a tlak har leh kan thawk tam deuh a. Tui fur tlak hmaa thawh zawh hram chu kan tum a ni.

Tin, Sangau bialtu-in Lunglei aia hla daih a sawi a. Aizawl khawpui chung fingawtah pawh Km sawn tam PWD Road hi a ni a. Tin, Phuldungsei bialtuin a sawi ang in W. Phaileng khawchhung kha, PWD chan a ni a. Tin, Lengpui

khawchhungte pawh black top an ti a. Mamitte, Kolasib-te chutiang bawkin, Aizawl District chhungah ringawt pawh, Lunglei chu sawi loh, Saiha ai pawna hla zawk daih black top tur kan nei tih chu a chiang a ni.

Tin, Hnahthial bialtu rawn sawi Explosive chungchangah khan, Bairabi a border phah tawh p pawh harsatna kan tawh a. A chhan chu Bodo buai avangin kan duh angin kan nei chak thei lova. Bodo buaite areh chuan kan la nei chak thei deuh ang chu. Tunah chuan BRTF tate kan puk kual deuh mai mai hrih a ni. Kan harsatna hi min hriat thiampui kan duh a.

Tin, Suangpuilawn bialtu rawn sawi kha, timai chuan chhan a har a. Tin, Vanva bialtu rawn sawi kha Jeep road kha Truck kal theih nan kan zauh a, kan la zauh zel dawn a hei hi kan achievement zingah a tel a ni.

PU H. RAMMAWI : Pu Speaker, a zawhnaah khan Kawngpui thar laih zawh zat a ni a. Kawngpui tih hi Truck kal theihna nge nia, Jeep kal theihna nge, Thirsakawr kal theihna. Aizawl Town chhunga an sawi zawng zawng kha enin, Truck kal theihna hi a tlem a nia.

PU T.C. PACHHUNGA : Pu Speaker, ka zawhna a ni a, kawngpui tih hian Foot path a ni lo, Motor kal theihna a ni tih kan sawi chiang duh a ni.

PU LALHUTHANGA MINISTER : Pu Speaker, 1989 atang khan kawngpui thar 179.90 km laih a ni.

PU H. RAMMAWI : Pu Speaker, Nichina a rawnsawi atang khan State Bank - Dinthar hi kawngpui an chhiar tihna a ni a. One tone pawh kal ngamlo hi kawngpui a chhiar chi em ni ?

PU LALHUTHANGA MINISTER : Pu Speaker, 1989 atang khan kawngpui thar 179.90 km laih ani a, 246.12 km black top a nih chu.

S P E A K E R : Pu Rualchhina, zawhna 5-na han zawt sela.

PU RUALCHHINA : Pu Speaker, ka zawhna 5-na Kawrtethawveng to Tuilut kawng PWD in a lainnaah Serhmun khaw thlai tam tak a chhia a. Sorkar in Crop damage Compensation pek a tum em ?

PU LALHUTHANGA MINISTER : Pu Speaker, zawhna 5-na chhanna Compensation hi pek anni nual tawh a, pek kim an la ni lo. Revised Estimate sanction hunah pekkim theih a ni ang.

PU RUALCHHINA : Pu Speaker, a lawmawm a, han zawhbelh ka duh chu Serhmun khua hi, an hmah bik deuh em ni chu aw, kan tihpui deuh a. Bungmun leh Kawrte te chu a chanve lai chu an lo pe tawh a ni awm e. Serhmun khaw bik kha pek tumna a awm lo em ni ? Kan han ti deuh a ni.

PU LALHUTHANGA MINISTER : Pu Speaker, a chian zawk theih nan, hei hi NEC kawng a ni a. NEC Officer ten Shillong atangin a hmunah kalin an en tawh a. April - May, 1993 atangin pek loh theih tur a beisei a ni. La pek loh zawng zawng hi pek theih tum a ni e.

S P E A K E R : Zawhna 6-na Pu H. Rammawi'n han zawt sela.

PU H. RAMMAWI : Pu Speaker, ka zawhna 6-na
(a) Buhfai man tihpun a ni em ?
(b) Tihpun nise engtik atangin nge ?

- (c) Rate thar berah, Common Rice, Fine Rice leh Super Fine Rice man Kg khat zelah engzatnge ?

PU C.L.RUALA : Pu Speaker, zawhna 6-na chhanna
MINISTER

(a) Ni e.

(b) Ni 11th January, 1993
atangin

(c) Zawhna hian Rate thar ber

a tih hian Godown rate nge, Fair Price Shop a sawi lova.
Fair Price Shop atanga leina rate chu hetiang hi a ni-

- (i) Common Rice - Rs. 4.12 per kg.
(ii) Fine Rice - Rs. 4.72 per kg.
(iii) Super Fine Rice- Rs. 4.93 per kg.

PU LALRAWNLIANA : Pu Speaker, Fine Rice hliir min
pe a. Engatinge Super Fine Rice
man hlira min charge si.

PU H.RAMMAWI : Pu Speaker, Common Rice chu kan
hre tlangpui a. Chhimituipui
District a ka awm lai pawhin
Super Fine Rice man hliir min
charge a, Common Rice min pe
leh si a, Sangau a ka awmlai pawhin Common Rice ah mah chuan
chhe lutuk vawk chaw atan pawh tlak lo, min thleng leh rawh
u ka ti a. Min thlengtir leh ringawt mai a ni. Chungte
chu Super Fine Rice rate vek a ni. Hnahthial ah ka rawn en
a. Common Rice leh Super Fine Rice an dah hrang ve bawk a.
Super Fine Rice tak tak a ni si lova. Super Fine Rice angin
a rate charge vek a ni si a. Khawi atanga kal diklo nge a
nih ?

PU T.C.PACHHUNGA : Pu Speaker, zawh belhna, Buhfai
man hi tihpun a ni a. Mizoram S
Sorkar nge, FCI nge India,
Central Sorkar tihpun tih ka
zawt e.

PU RUALCHHINA : Pu Speaker, Super Fine Rice kan
tih hi FCI atanga an lakin a
hhang a chhinchhihna bik a awm
lo em ni ? Hetia a in chawhpawlh
tak vek mai hi.

PU C.L.RUALA
MINISTER

: Pu Speaker, Super Fine Rice
Fine Rice leh Common Rice te hi
helai a keini grading a nilova
FCI in min pek anga kha, kan
pawm lo thei lo a ni. Common
Rice leh Super Fine Rice hi FCI in a grading an tih ang
thlapa kan lak a ni. Mizoram Sorkar tan chuan tih ngaihna
dang a awmlo a ni. Tin, a rate thuah khan Central Sorkar
tibpun a ni a. Central in a rate an tihpun hian, he lamah
pawh a punglo thei lo a ni.

PU ZORAMTHANGA

: Pu Speaker, Mizoram mipui
zawng zawng in kan ei Common
Rice anih kan hriat chian em
em si, Sorkar pawhin a hriat
chian em em si, a nilo min lei
tir a, inbum tir ngar ngar mai chu, a dik hi Sorkar hian
a zuk sawichhuak thei lawm ni ?

PU LALRAWNLIANA

: Pu Speaker, Supply Officer hi
tam tak kan nei a. Super Fine
Rice leh Fine Rice hrehrang
Officer hi an awm ngang lo em
ni ? a va zahthlak zozai ve maw
le, expert neih dan a awm lawm ni ? Super Fine Rice leh
Fine Rice hrehrang lo, Sorkar nih ngawt mai chu a va lung
chhiat thlak em !!!

PU H. RAMMAWI

: Pu Speaker, a lam a hla tawh
bawk a, a thalo tih chu kan hria
a. Amaherawhchu Super Fine Rice
man a kan pek ngar ngar mai hi,
khawiah nge lapse a awm ? A
chhui turin engtingge Sorkarin
hma a lak tawh, an chhui tawh em?

Dr.R.LALTHANGLIANA

: Pu Speaker, 1992 chhung khan
Sorkar in Buhfai engzatnge a lak
chhuah tih ka zawt duh a. Kum
inah hian engzatnge lak kan tum
tih ka hre duh bawk a. Agricul-
ture-in an thar zat report an siamah chuan Matric Tone
83954 thar chhuak angin an ti a.

PU VANLALNGENA

: Pu Speaker, tuna zawhna neitu kha,
Term hmasaah Supply Minister a
ni a, MLA Ka ni tawh a, a hun lai

khan engatinge Super Fine Rice leh Fine Rice a tih danglam loh ? engatinge a clarified loh ? Tunah khatiang zawhna te a siam mai ?

PU C.L.RUALA
MINISTER

: Pu Speaker, Super Fine Rice te, Fine Rice te keini grading theih a ni lova, min petuin a tih chu, kan pawm lo thei lo a ni. India ram kilkhawr berah kan awm a,

Rail head hian nimumah min rawn pal ve chauh a ni a. A kar a lo chingpen anih chuan, chhui turin kan confidence tawh si lova. FCI kut vek a ni a. Min pek ang kha kan pawm mai a ni.

PU LALRAWNLIANA

: Pu Speaker, Sorkarin a grade siamtu kan ni lova tih a hria a. Engatinge a grade siamtu hnenah chuan, a zuk zawh fiah a, a zuk tih chiam loh ? Super Fine Rice

man min charge a, Fine Rice min pek a, a hlep hi kan hotute hian an ei ve a ni mai lo maw ?

PU C.L.RUALA
MINISTER

: Pu Speaker, kan thiante khan FCI atanga zuk ei ve dan an hria anih chuan ka hre lo. Kei ni chuan kan hrelo a ni. Advance a min pek a ni a. Kan lo reject ngawt thei lo a ni.

S P E A K E R

: Zawhna 7-na Pu T.C.Pachhunga han sawm ila.

PU T.C.PACHHUNGA

: Pu Speaker, ka zawhna 7-na

(a) Mizoram Sorkar hnuaiah Doctor engzatnge awm ?

(b) Specialist engzatnge kan neih ?

S P E A K E R

: Health Minister a damloh avangin Pu C.L.Ruala a rawn authorised a. Anin han chhang se.

- PU C.L.RUALA : Pu Speaker, zawhna 7-na chhanna chu -
- (a) Doctor - 184
- (b) Doctor (Specialist) - 14
- PU VANLALNGHAKA : Pu Speaker, Hnahthial ah sawn PHC Khum 30 awmna Doctor 3 awmna turah, pakhatmah an awm lo mai a, Sorkar in engtinge min tih dawn ?
- PU T.C.PACHHUNGA : Pu Speaker, zawhbelhna - Doctor 184 leh Specialist 14 kan nei a. He Specialist te hi khawi Damdawi In ah nge dah an nih ? Tin, heng Specialist te hi engang hmanrua nge kan pek ? An va awmnaah khan an effective viau em ? Phai lam kan pan fona solve nan, dahkhawm a, hmanrua tha deuh nen thuum tumna an nei em ?
- PU R.ROMAWIA : Pu Speaker, Doctor-te Non-Practicing Allowance la tho si a. In lamah zing leh tlaia in entirna an hawng reng si hi. Sorkarin engtinge a ngaih ?
- PU P.LALBIAKA DEPUTY SPEAKER : Pu Speaker, House a kan Session apiangin ka sawi chhuak a. Bungkawm PHC ah Doctor kan nei loh thu ka sawi chhuak a. Department lamah pawh kan sawi tawh a. PHC dahnaah chuan Doctor an dah vekin ka hria a. Bungkawm Doctor tihve reng reng tur min pe thei ang em ?
- PU K.VANLALAUVA : Pu Speaker, zawhbelhna - Doctor 184 ah Mizo engzatnge, ? Hnamdang engzatnge ? Tin, Specialist ah khan Mizo engzatnge ? Hnamdang engzatnge ?
- PU C.L.RUALA MINISTER : Pu Speaker, Hnahthial bialtu zawhna kha, Hnahthial ah Doctor mipa 2 dah an ni.

Kha kha exam turin an kal a, an lo haw leh tawh a, Delhi-ah an awm leh tawh lo e. Tin, Question neituina zawhbelhna a siama kha Specialist te hi Lunglei leh Aizawl ah dah an ni deuh vek a. Saiha ah hian pakhat kan post a, chu chuan a la zawm lo niin ka hria a. Tin, Specialist pakhat awmsa a awm bawk a, mahsela Specialist anga post a ni lova, chumi tiam chuah Saihaah Specialist pahnih an awmdawn a nih chu, a dang erawh chu Lunglei leh Aizawlah an awm vek.

Tin, a hmanraw chungchang thu ah kha chuan engang hmanrua nge pek an nih tih kha chu House-a kan chhan mai theih a la ni rih lovin ka hria a, a zawhnaah khanin a Doctor leh a hmanrua kha kan lo kaihkawp vak mang lova. Chuvang chuan kan member zahawm tak khan a hmanrua an neihate kha a hre duh hrim hrim a nih chuan kan la pe mai ang, a chhanna chu (Pu Zosiana Pachuau: Pu Speaker, tender bak pek an nei lem em maw ni le). Tin, Supplementary Question dang, Doctor Specialist te kha an effective em tiha kha chu an effective turah ngai phawt mai ila, an effective dana kha kan sawi vek thei lo ang a.

Tin, Bughmun PHC a Doctor awm lo tih chungchang thu kan Deputy Speaker ina a zawhna kha kan member zahawm takin a zawhna kha PWD-in an la zo thei lova. Chuvang chuan doctor pawh la dah loh a ni, a building a kha zawh a la ni lo tlat a ni. (Speaker: I chhan zawh tawh chuanin Khawbung bialtu zawhna kha han chhang la).

Pu Speaker, Non-Practicing Allowance chungchang kha chu ka sawi mai thei lo ka ti.

S P E A K E R : Ni e, wawin hi an la lawk a nia, a chhang hnem thei khawp a a lawmawm a, mahse Khawbung bial zawhna pawh kha a har ang maw. (Pu C.L.Ruala: Vai leh vai lo pawh kha tunah hian kan nei mai si lova, Pu Speaker, ziakin kan chhang dawn nia Pu Speaker). Deputy Speaker khan han zawt rawhse.

PU P. LALBIAKA : Nia, building nei lo tih kha, DEPUTY SPEAKER building nei loa awm ka hre lova. He Damdawi In hi Mizoram a senior ber pawl a ni a. Tin, Quarter-te pawh an nei a,

Doctor hianin Quarter eng ang chiah nge an luah thin ka hre lo nachungin midangte pawh an awm thei thin a nih chuan eng atinge Bughmunah hian an dah theih loh. Doctor te hi kan indaih kan ti si a. Engtizia nge Bughmunah hian doctor kan pek theih loh bik tlat tih ka hre duh a ni.

PU LALRINCHHANA : Pu Speaker, tun engnge maw atang hianin damdawi ina admit damlote tan hian damdawi a awm thei mang ta reng reng lo mai a, lei chawp a ngai ta deuh vek mai a. Hei hi policy thar tunhma ang lo deuh hlek khan neih kan nei em ni ?

S P E A K E R : Zawhna dang a awm a, chhang lo mai ila maw. Helai kha titawp ang, a tawpna ni rawhse.

PU C.L.RUALA : Pu Speaker, kan member za~~hawn~~ tak zawhna kha Binghamun PHC building, damdawi building a kha PWD in an la peih theih loh avangin doctor an dah lo a ni, a sak thar a kha an la peih loh avangin Pu Speaker.

PU H.RAMMAWI : Pu Speaker, ka zawhna 8-na
Will the Hon'ble Minister in-charge Environment & Forests Department be pleased to state-
Phawngpui tlang National Park a puan tumna a awm em ? tih ka zawt e.

PU ZALAWMA
MINISTER : Pu Speaker, Phawngpui tlang hi National Park ah nikum 2.8.91 ah puan a ni.

PU H.RAMMAWI : Pu Speaker, zawhbelhna -
Khawthar kai dawn pawhin ramri a ngai a. In hmun kan neih dawn pawhin a ngai a. Phawngpui tlang National Park a an puanna Gov-
vernment Notification 2nd August, 1991-a an chhuahah hian a ramria hi, Phawngpui tlang chu Sangau atanga chhim lam, Fir Park zawl saw Km 8 vel a ni a, Sangau atangin, chhim lama awm daih a ni a. Amaherawhchu a ramri nen tih tak takah chuan Sangau atanga hmar lam daih, South Vanlaiphai leh Sangau inkar Lungchehna an tih daihte kha a ramri ah khan an va khung a, chutiang bawh chuan Sangau khawlaia mite kha aramriah khan Sakeikahvaten tia, 'vate' chu 'lui' tihna a ni a. Sakeikahlui tihna a ni a, 'Lungchehlui' tihna a ni a. Khatiangan khan

an ti nual mai a. A ramri hi a tak hian rin dawn ta sela, a theih loh reng reng, Mat vuaka Tuichang dap tih ang lek a ni a. Hetiangang hian engtingge Park kan neih theih ang le.

Tin, pahnihna - Hemi an area chung ah hian Pawlrang khua a awm, Sangau hi a khum daih a, Thaltlang pawh a khum daih a. Chu chu engtingge maw he Notification hi a va phuailuai reng reng ve, engtingge maw in tih dawn le ? An tum lohah hian an hand a niin ka hria. A area chhunga khua ah te khan engtia tihnge an tum ?

PU ZOSIAMA PACHUAU : Pu Speaker, Notification an tih a hi Pre-Notification tur an tih sual palh a ni lo maw ? A hmain Pre-Notification an chhuah lova sawrkar hian, kha kha Notification a a ngai ta mai hi a tih sual palh a ni lo maw ? Hei hi Murlen National Park nen hian an tirual a ni em ?

PU TAWNLUIA : Pu Speaker, zawhbelhna - National Park, Animal Sanctuary tia kan state government ina a enkawl entirnan- Dampa Sanctuary kan tih angte hi engngeni a dang lamna ? National Park hi engatinge kan mamawh a, sawrkarina National Park kan siam ? Engnge a tulna ?

PU VANLALNGHAKA : Pu Speaker, National Park-ah khian Phawngpui chu a ramri eng pawh nise a kal tawh chuan a dik lo tih kan hre mai a. Kha kha chu sawrkarin an siam tha mai turah ka ngai a. Amaherawhchu National Park hi tunge enkawl dawn ? Khilai Sakei hiau lo samhlum zial ringawt hi em ni kan dah dawn ?

PU ZALAWMA MINISTER : Pu Speaker, zawhna neitu Pu H. Rammawi zawhna atang khan chhang dawn ta ila. A boundary chung-chang ah khanin engngemaw ngaih sual palh theih thil a awm a. Chu chu hetiang hi a boundary awmdan kalhmang a ni a. May, 1992, nikum khan kan District Council hunlai, Autonomous District Council hotute, kan Chairman leh kan hotute an Forests Minister-te kha, a hmunah kan Forests D.F.O. te nen kan kal a, Saiha D.C. te nen. Chutah chuan Boundary kha an tihel ta a. Hemi Notification chhuah hnuah khan a boundary

kal dan tura kha chiang takin a hmunah an han en ta a. Chutah chuan Lungchehva tihah hian, khalai tak kha a zawhna neitu khan engemaw thil fello awm niin a hria niin ka ring a, chu chu a dik a. Sangau leh South Vanlaiphai inkara Lungchehva awm khi kawlpui Mizo Park area a ni lova. (Speaker : hun kha a tawp a) (H. Rammawi : sawi zo law law rawh se) (Speaker : in phal maw) Kan hrilhfiyah vek ka duh a nia Pu Speaker, a pumpuia khan, mahse hun a awm ta lova. (Speaker : i la sawi zawm thei e). E, le ka lawm e. Hemi ka sawi tawh ang khan Phawngpui National Park Area-ah Vanlaiphai leh Sangau inkar Lungchehva kha khami Area kha a lo tel ta lova. Amaherawhchu Archhuang leh khumi Vawmbuk inrina tuna Chalrang kan tihho leipui vah bula Lungchehva lui te tak te Sangaului dintu khi Boundary a lang hi chu a ni zawk. Lungchehva hian Vawmbuk khawchhung Sunhutar leh chumi tiau Paliput inkar atangin hnar a nei a. Sangau va kha a va fin a ni. Chu chu a Bpundary kal dante kha kan member zahawm fak khanin, a bial neitu khan in chulai te chu enfel leh rinfel a nihna lai kha a ni ta a ni Boundary chungchanga a huam dan leh huam dan loah khan tawk rih mai selangin.

Tin, Ngopa bialtu zahawm takin Wildlife, hemi Pre-Notification chhuah chungchangah khan zawhna a rawn siam a. Phawngpui tlang hi Wildlife Sanctuary ah khan National Park vuah a nih hma khan siam a ni tawh a. Chumi chu Wildlife Sanctuary Status-a kha National Park, Status in Collaborate ti mai ila a awmzia chu a thumun reng a. Amaherawh chu management ah hian Wildlife ah chuan State sawrkarin a keimahni fund atanga expenditure tih vek anih avangin, hemi Wildlife National Park a status-a kan han hlankai hian Central atanga hmei C.S.S. ka tih atang hian, hemi management atan hian expenditure 50% min rawn pe a. Chu chu kan angkhai phah na a ni a. Tin, a staff-te pawh a epkawltute pawh 50% min rawn pe a. Chu chu a thatna, keimahni State fund renchemna atan leh hemi project kan nah ate min rawn puih theihna kawng a nih avang khan hemi state dan any hian kan han ti mai a ni. Tin, Pre-Notification ngai tawh lovin Wildlife a ni a. tunhnaia Sanctuary kan lo tih tawha kha 1982 khan kan District Council hotute nen kum 25 atan Agreement kan lo siam tawh a, chu chuan Wildlife-ah khan kan lo tinghet tlang tawh a. Tuna National Park-a kan han ti hian a status kan tidanglam ta chauh tihna a ni (H. Rammawi.....a awmna kha maw, kha kha ram riah khan han hrilhfiyah lawk la tih ka duh a, i dinlai lala khan. Tin, a pahnih naah cheng nuai za chuang an seng tawh a Phawngpui tlang chei nan hian Pangzawlah sawm Kumtluang par kung khat pawh phun a ni lova, eirukna hmunpuiyah an hmang a. Tuna National Park kan tih pawh hi Aizawl khawpui chbehvel ah pawh hianin Park kan mamawh em em lain khilala eirukna puka hman tumna hi engnge a awmzia ? cheng nuaiza chuangah hian Kumtluang par pakhat pawh a awm lo) (Speaker : chhang rawhse). Pu Speaker hemi a expenditure hi chu zawhna dang pawh kha a awmin ka hri a, nakinah detail-in hemi bik atana expenditure kha, chu chu kan la chhang ang a, tunah hi chuan khamia kha a detail-in tunah hi chuan ka sawi thei lova. Central sawrkar lak a ni lova, keimahni state, National Park a ni a. Amaherawhchu Forests hi 1980 atang khan Concurrent list ah Parliament-in dan a siam a ni. Chumi chuang min tuam ta a. India ram pumpui State tin hi keimahni chau ni

locin. Chumi chu helaliah hian a management leh a thuneihna chu keimahni chhung atanga ruahman vek tur a ni a. Amaherawhchu a in enkawlina zelah khan Central in helalia concurrent list a dahna chhan hi State tam tak indiah lo, a management pui ngai chi tur leh a preservation chungchangah hian engemaw responsibility hi nei tlang ila tih na a ni. Chu chu thil kalhmang a ni a. Engpawh nise, kan sawi tawh ang khanin a status sang zawk anga National Park a siam anih avangin Wildlife Notification-a a awm tawh avangin Ngopa bialtu zahawm tak rawn zawhna kha a hranpa a Pre-Notification emaw khatiang kha chhuah a ngai hran lova. Wildlife Notification a awm tawh avang khan. Chuvangin a boundary te pawh saw lai District Council zawm tute ram anih avangin chumite ram ti mai lovin Chiang takin kan Sorkar chuan a siam a. Hemi ah hian a ramri enfel tur hian dan a awm leh a. A Deputy Commissioner in charge Chhintuipui District leh a District Council te leh keimah ni state, hemi Sorkarte nen hian an inrensiam a, he thil hi va ti kan ni a. Nichina bialtu zahawm tak Pu H. Rammawi pawh khanin hemi lui inrina leh khalaia Archhuang leh Vawmbuk inrina tura Palrang ho leipui vahna Lungchehva kan tih te, Sangau va fintu khatiang valley a lang hi chu Lungchehva hian Vawmbuk emaw khaw chung an ti a, chu chu Sunhlutar leh Tiau Kaliput inkar atangin chumi hnar, tichuan Sangau a va fin ta chauh thei a. Chulai lui kawr hnar tea a va inrina a te a kha, chu chu kei pawh ka va kal tawh a, Pu Speaker, (Speaker : Inhnial lovin i ti tawp tawh ang u) chulaliah chuan in complaint a awm lova, khilai mipuite tan ram chungchangah hian ram leilung neitute leh khilai mite nena chinfel a ni tawh tih ka chhanna ni rawh se, Pu Speaker, ka lawm e.

S P E A K E R : Pu Lal Thanhawla'n Paper lay tur a neih chu han lay sela.

P U H . R A M M A W I : Pu Speaker, kan dan 142(1) hi kan chhiar ange aw.

"A member who has resigned the Office of Minister may, with the consent of the Speaker, make a personal statement in explanation of his resignation" tih a ni a. 142(2) ah chuan "Such statement shall be made after question and before the list of business for the day is entered upon" tih a ni a. Zawhna hun a zo chiah a, Pu H. Thansanga kha a hmasa zawk tur ni awm tak a ni.

S P E A K E R : Kan programme a point of order i han rage a, a dik a, amaherawh chu kan lehkhabu en kha Speaker direction, Lok Sabha kha kan ring a. Tah khan hetiang a tih avang khan kan ti a. Member ten a sawi hmasa zawk se in tih chu ka pawm a ni mai alawm. Kan dan angin kan kal zawk dawn tihna anih chu. Anih leh, Dr. H.Thansanga statement siam turin i lo ko ang u.

Dr. H. THANSANGA : Pu Speaker, kan danah question zawhah tih anih avangin member zahawm tak Pu H. Rammawi khan a han sawi chhuak a. Min phalsak avangin a lawmawm hle in ka hria.

Kan Dan 142-na kha sawi ngailo in a han sawichhuak a. Kan banna thu-ah hian eng eng emaw sawi neuh neuh a awm a. Engatinge a ban tih te leh thil dang eng eng emaw a awm avangin sawi ngei ngei tur chu a ni. chuang hauh lo na in, hetah hian a forum dik takah thawk ho kan ni a, tuna Minister zingah te pawh Department kan enkawl ah hian kan rhriat lohvin thil eng emaw te pawh a awm leh mai thei a. Tin, tuna Minister ni lemlo te pawh, nakina Minister tur te pawh kan ni ang a. Heng hi kan tawn chhoh theih vek a ni a. Lesson kan nei zelah ngai ila. Chuvangin vawin a ka thil sawi hi kan zavaia kal zel nan pawh pawimawh in ka hria a. Tawite in kan sawi ang e.

A hmasa in lawmthu sawi a ngain ka hria a. Ka sawi loh chuan a kim dawn lova, hemi House ah hian vawi thum ka thu tawh a. A hmasa berah khan Speaker ah min thlang a. A hun tan tu ah ka tang a, a lawmawm hle in ka hria a, hotute leh mipuite zarah. Tin, Minister-ah te pawh term hmasa ah khan Speaker zo lovin ka in sawn leh a. Chu pawh chu keia duhthlan ani ngai lova, ka chuh ve ngai lo reng reng a. Hotuten an rawtna avangin ka pawm leh chawt thin a. Tin, term lehah Speaker ah bawk ka awm a. Tun tumah hian Minister ah ka awm leh a. Khung ka ngaihtuah chuan lawmawm ka ti a ni. Ka'n tlin ve tum hi chuan kan Party hian hna a thawk thin a. Ka tlak nalh hi chuan Pathian in min thukru-ah ka ngai mai a. Kan Party hi Opposition ah a awm ziah a, chuvangin helaia ka thut reng reng hian Opposition ah ka la thu ve ngai lo reng reng a ni. Chutiang chu kan ni vekin ka ring lo a, chu chu vanneihthlak ka tihna a ni a. Ka fel zia te, ka thatzia te lampang ni lovin, khawngaihtu a awm niin ka hria.

Hnathawk turin min kochhuak thin. Anih loh chuan min thukru mai thinah ka ngai a. Chuvangin Pathian leh hotute leh thawhpuite chungah lawmthu ka sawi a ni. Ka thawh fellowna ah te, famkim loh leh thatlohnate a tem ang. Chung zawng zawngah chuan an mi ngaihdam ka dil bawk a ni.

Tin, chung ka term chung chuan theih tawp chhuah in hna ka thawk thinin ka hria a. Tlinglo hle mahse chu chu ka thawhpuite, thiante, Party lama thawhpuite leh mipui min tawiawna a ni tih ka hria a. Lawmawm hlein ka hria a. Tuna ka banna hi heftiang hian sawi ila, nakinah kan la tawk thei theuh ka tih kha sawi chian ka duh a. Minister ni reng reng lo ila, M.L.A. te pawh hi tling lemlo ila, a engmah hi ni lo ila tih min duhtu an awm ang tih kha ring ila. Tin, nih tawh hnu-ah pawh bang ila, tla ila, chesual ila, tih duhtu pawh an awm mai thei a ni. Khawvel hi vanram a la ni tlat lova, thiltha leh thalo indona ram a ni. Mitha ber pawhin hmelma chu a nei tho ang. Chuvangin tuten emaw a min au khum emaw, min sawi khum vak emaw, min phut tlat avang emaw a, banna chhan tur thil dik a awm siloh chuan ban hi kan tihtur a ni lo, chu chu ka dinhmun a ni a. Nangni pawh in ni thei theuhvin ka ring a. Miina min nawrna avang a, diklo puia ban ai chuan min ban theitu in min ban tawp mai sela, ka face tawp mai ang tih kha ka ngaihdam ani thin a. Entirnan : Nikumah he House ah ngei corruption thilah min bei chiam a, pawl thiltih engemaw hmanrua-ah min hmang a hi. Mimalah chuan thiante ho hi min hawtu pawh an awmlo. Min er em em tu pawh an awm lo, min la khawngaihtu zawk zawk pawh an la ni ang tih ka ring tlat. Mahse engemaw hi hmanrua ah a awm thin a ni. Tah khan bang tur pawhin min au a ni. Mahse ka bang dawn lo ka ti tlat a, ka banglo reng a. A chhan chu min puhna zawng zawng kha han ngaihtuah ula ka fate hnathawh turah hotuten min duhsak a, thudik tak ka sawi a. Eiru tak tak ni ila, mampurhin helaiah hian ka sawi thiam ve khawp mai. Ngawi rawh u, kan sawi ang e ka ti a, ka sawi mai a ni.

Tin, Ngurthanga'n Board Building a sa a, ka tellohna reng reng kha kan ei hmak bawk a. A estimate kha an belh tawp tawp a, nuai 17 sport grant ah khan ka fa in dang tawh in nuai 3 a lo chang ve a, a estimate nuai 17 nen, DIET building estimate cheng nuai 68 nen an han belh a, nuai 200 dawn lai kha ka ei vek mai a ni. Mahse pakhatmah eiruk awm silo. Chuvangin ti hian ka ngaihtuah thin a. Pu Chhawnzinga kha exam laia vengtu tha ber a ni a. Saitluanga'n a tihder a, enru awm tak in a ti zuk zuk a, tukverh atang khan a lo enthla niin, a va kal vang vang a, a va fiah kha, "Saitluang, engatinge tukverh atanga ka rawn en khan enru awm taka i lan le ? I lo enru reng reng hleinem" a ti a, a thiamlo zawk mah mah a, a hau e an ti a. Chutiang deuh chuan heng thil ah hian kan tuar tlawk tlawk ringawt mai a. Kan sawi bak kha a sawi theih tawh siloh. Min an rintlat loh chuan, mahse infiah ila, in en tila, chutiang chiah chu a ni tih kha wawin thleng pawh a in ringhlelte kan nih chuan a la tlai chuang lo. Kan nihna dik tak hi in hmuh sak ila ka duh khawp mai. Tin, vairama in sawichhiat te, Delhi tlang a Mizo tlangval insawichhiat te hi ka principle a ni lo. Hei hi kan hriattlan ka duh khawp mai. He laiah tu emaw thiltisualtu deuh pawh awm se khulaia ka zu hek vak khan hlawkna a awm reng reng lo. Mizo hnam min hmuhsitna tur a ni.

Tin, Missionary kan tir thla teuh a, chung te chem pawh kan tibil dawn tiin an tlangau a ni. Chung pawh chu kan thiam loh a ni. A dikah pawh inthup tur niawm tak, a diklo ah phei chuan a pawl khawp, hnam pawl kan khawh a, Pathian pawl pawh kan khawh dawnin ka hria. Chuvangin Public Leader te hian kan fimkhur hle a ngai dawnin ka hria, kan sawi tel a ni.

Awle, chung avangte, Text Book ah te, Delhi ah kan zu Conference zo chauh a ni a. Mizoram pakhat na kan lo ni, Pawl IV subject chin chiah la chhu zo te, Class VI subject chhu zo te an ni a, National Education Policy 1986 implementation a ni a. Tihlawhtling turin State kan inel a, Class VII, VIII, IX Gujarat in an chhu zo a. Chu chu a sang ber a ni. Mizoram chu cl-I - X kan lo zo vek a. A round khatna ah chuan phuai pawh a phuai, a Quality pawh. A ziktute pawh hi duhfawk an ni biklo a ni. Mahse chu mi improvement atan chuan Second round a hi resource person nen bein, Board pawhin tan an la dawn a ni. Tin, Text Book kimloh thuah Meghalaya pawh ka lo chho a, bu # 3 lai a la awm miah lo a ni February khan. Khatiang kha a ni a. India Sorkar Policy tih hlawhtlin nan kan intlan siak a, Mizoram pakhatnaah kan lo awm tlat mai. A report pawh a nuam hle a ni. Chutiang anih lai khan kawngte kan zawh a, kan ti vak va a. A titheilote chu tunah pawh an cancell mai a. Chuvang in ka babna ngawt tur kha ka hrelo a. Ka banglo a ni a, luhlul pawh min ti mai thei a. Pu Speaker. Amaherawhchu tunah hian ka tih chu a ni lova, zawhna rutu chu ka ni lo tawp mai a, mipui pawhin an hria. Nasa taka tan kan lak kum a ni a, Exam Centre O.C. zawng zawng kan ko khawm a, kan brief vek a. Tin, exam Centre a rinhlelh awm leh engemaw zawng zawng kha kan thianfai vek a. Board-in pawisa an neih loh avangin Directorate atangin Nuai hnih thla vengah dah tur ka ti a. Chutianga kan lo beih kum exam ni atanga tai darh hak a hmun hran hran a zin darh kan ni. Chutiang khawp a kan beih laia leh lama chan loh khana a lo put tlat mai kha thin a thawng, rilru a na, a hream tak tak a ni. Chutiang boruakah chuan kei hian ka tih ni lo mah selangin chhungkaw pa kan nih avangin Minister chu Pa berin kan inchnunga thil thalo awm kha a mawh kan la ang khan ka mawh a ni lo thei lova, ka rilru a hah a. Nunna em kan chan lova. Inaahhlum tum kha chhan hman lo phei sela chuan ka rilru a pik leh zual ka ring. Chuvangin helaiyah hi chuan a hream ti ber, rilru na ber pawh ka ni. Mahsela sawrkarin thil a siam tha dawn a, a siam that theihna turin a hotupa ber hi ka ban kha kawng siamtu anih ka ring tlay. Ka ban hian kan hnam tan, ram tan hlawkna a siam ka ring tlat a ni. Chuvangin mi tihdan ni lo. tute nawr vang emaw kan ban duh ngawih ngawih vang ni lovin, vawlin a ka sawi chian duh chu keima moral responsibility atanga hetiang serious lutuk mi tam tak tibuai, a ram pum tibuai zahthlak lutukah hian ka thutthleng leh ka nihna vawn reng hi a dik ka ti thei lova ka bang a ni. Chu chu ka ban chhan a ni.

Chuvangin Pu Speaker, ka thawhpui duh tak member zawng zawngin helaiyah hian keima irawm thu chhuak, mi tih vang chuan awm lo ah chuan ka bang dawn lo, ka bang lo reng. Mahse mi tih a ni emaw a ni lo emaw keima awm a thuchhuakin awm ka ti a, ka bang a. Chu chu ka banna chhan a ni. thu dang a awm love tih chu ka rawn sawi a ni.

Tin, ka bang e tia sawrkar ensan ka ni chuang lova, sawrkarin min mamawhna apiangah an kaihza veng turin tan ka tum a. Ka inpeih reng a, Education siam thatna tura kan beihna zawng zawngah, Scheme ah te, chung chu kan sawrkar hian chak taka tihhlawhtling tura a kalpui ka duh a, ka beisei em em bawk a ni. Ka lawm e.

S P E A K E R : A ban chhan statement a rawn sawi tawh a. Midangin kan belh chu hun dangah ni se, hemi forum ah hian sawi theihna hun a nei a. Chu chu dan ang takin ka sawi a. Nichinah khan

arrangement of business tih Direction of the Speaker tihah khan kan sawi tawh ang khan question zawngah tih tur a ni a. Mahse immediately after tih a ni chiah lova. Chuvang chuan helai a kalhmang turah chuan 20-naah dah a ni a. Amaherawhchu House khanin kan ngaithla a nge in tih chuan kha kha kan thlak thei a. Tin, Speaker in a duh chuan a re-arrange thei ang tih anih avangin in rawn rest bawk a. Kan lehkhabu a awm kha hmang zawng ang kan ti ta a, kan ngaithla a. Thil pakhat ka han belh ve hlek duh ehu politics kan khel theuh va, kan duh ram kan hmanngaihna tih hlawhtlinna atan chuan chanpual han neih ren rawn tluk a tanlak har chu a awm lova. Chu chu mi tam zawng tan chuan kan vawr tawp a ni a. Chuta tanga ban hi chuan engkim kan nih tur zawng zawng kan hlan tawh a. Tumah hi diriam zui tlak kan awm tawh lo kan ban tawh hi chuan. Damlai chhunga tleirawl awm tha duh lo te pawh hi khawvel min chhuahsan hnu hi chuan a tawh tawh. Chumi hnuah in chhuihzui hi chu mawi loah ngai ila a tha awm e. Tunah chuan Pu Lal Thahawla paper lay turin kan sawm tawh anga, han lay sela.

PU LAL THAHAWLA
CHIEF MINISTER : Mr. Speaker sir, with your permission sir, I beg to lay on the table of this August House. Copy of First Annual Report of the Mizoram Public Service Commission. Thank you sir.

S P E A K E R : Tichuan Pu Lal Thahawla'n paper chu a lay ta a. A copy kha sem ni sela. (a copy chu member te hnen ah an sem a.)

PU TAWNLUJA : Pu Speaker, member zahawm tak Pu H. Thansanga'n a banna chungchang thu statement a siam kha Member-te hi a copy min pe thei a ngem?

S P E A K E R : Proceeding-ah an sem ang, in hmu vek ang. Session apianga Panel of Chairman puan thin kha kumkhat atan kan ti ta a. Chungte chu ka han puang ange.

1. Pu Sainghaka
2. Pu Aichhinga
3. Pu T.C.Pachhunga
4. Pu Zosiana Pachuau

te an ni. Tunah chuan Pu Andrew Lalherliana'n report House a pek luh tur a nei a, han pe lut sela.

PU ANDREW LALHERLIANA : Pu Speaker, ka lawm e. Estimate Committee Chairman ka nihna avang leh kan Committee ten min authorised avangin Estimate Committee report II-na he House-ah hian ka present e. Ka lawm e.

S P E A K E R : Tunah khan Pu Andrew Lalherliana'n he House ah hian report a lo pe lut ta a. Chung chu a copy sem nisela. (A copy chu member te hnenah sem a ni a) Tunah chuan kan Governor thusawi chungchangah khan Motion of Thanks kha han sawiho tawh mai a nga. A motion neitu Pu T.C.Pachhunga khan han sawi tan sela a tha ang. Chumi hmam tawite kan tih tlan thin angin rorel leh lawk ila a thain ka ring a. Kuminah hian list of business ah khan to be concluded kan ti lova. Vawin hi hei kan chawhma a ni tawh mai a. Sawi tur kan ngahin in ring em ? kan sawi theuh duh angem ? Sawi tur kan ngah a in rin chuan kan sawi ngawt ngawt mai anga kan ti ang nge a hun kha in sem leh deuh ila chuan a tha a. Eng minute nge kan in pek ang ? minute 10 (sawm) aw ni ang Pu T.C.Pachhunga khan han sawi tan mai se, minutes 10 (sawm) anih chu.

PU T.C.PACHHUNGA : Pu Speaker, hun min pek avangin ka lawm e. Kan Governor zahawm tak a address thuah hian lawmthu sawi tur tam tak a awmin ka hria a. Kan dan bung 5-na chang 17-na leh India Constitution Article 176-na ang zulzulin kan Governor tharin a hun hmasa ber a kan House a address hi a tih tur dik tak anih rual rualin kan House a kan Governor-in a thu rawn sawiah hian lawmthu sawi tur tam tak a awm a. Amah hi kan tlangmi pui, keimahni a ral atang pawh a min hre chiang em emtu leh hetiang ang ram rorelna kan tih MLA ang te, Minister ang te pawh a awm chho ngar ngar Mizoram a a lo ~~xxx~~ chhuah chhoh dawn pawh a, Speaker a ni a. Chuvang chuan helai a a thu han sawi te leh Mizoram min rawn hmuh dan te hi thil

thar lo niin a alang a. A ralkhat atang pawhin min rawn hrechiang em em a ni. Pu Speaker, kan Governor thusawiah hian 'This is my first occasion to address this august House and I sincerely hope that the mature deliberations and the collective wisdom of this House will ensure all-round growth and development of the people' ti a. Opposition zawng zawngte pawh huam telin. Helaiia puitling taka kan ngaihtuahna leh kan finna kan thawkhawmna hian Mizoram pumpui hmasawna a thlen a rin thu kan Governor hian a sawi a. Chu chung ni lovin Pu Speaker, Governor in State Chief Minister to hi House chhungah an hming an lam khat hle a. Tuna kan Governor hian kan Chief Minister zahawm tak he House Leader Pu Lal Thanhawla chu hna tam tak a thawh avanga able Leadership hruiatu tling a ni tih kan Governor hian a rawn sawi a. Kan House leader hi a rawn sawi angin Pu Speaker, chawimawi tlak a ni a, a rawn hmu dik hlein ka hria a. Ram rorelna a lo tel thang tawh anih avangin tute hi nge fak tlak ni a, tute hi nge fak tlak ni lo tih te pawh a rawn hre chiang em emin ka hria. Kan House leader hian Pu Speaker he ram kum 20 rambuai lo ni tawh tih rehna turin he ram a thil la thleng ngai lo, khawvel ah pawh la awm zen zen lo, he ram tan hian tlawm a lo ngam tawh a. He ram tan hian a lal thutthleng a lo kian tawh a. Chu chuan he ramah silai ri a ti reh a, curfew te, in dap te, in check te khang zawng zawng kha a lo reh zo a. Chu chuan muanna kan lo neih chuan hmasawna kawngah he ram hi a lo kaihruai ta a. He ram hian hmasawna kawng pan in hma a lo pen thei ta a. Chutah chuan tun kum 4 chung mai hian mirethei chhungkaw tam tak he sawrkar hian a dawn kang tawh a. Sawrkar dangah pawh la awm ngailo, hmanni lawkah kan Chief Minister zahawm tak Brigadier T. Sailo chu damlo in a lo haw a. Treasury Square ah lawmthu a sawinaah pawh a sawi lang a. Hetiangang policy tha, a thlawna mirethei te hnana a thlawna a tanpuina pek hi khawvel ram dangah pawh ka Kal a a la awm ngai lo a rawn ti hial a. Kan Chief Minister hlui pawhin a fak hle a ni tih kan hria a, chutiang zelin ei leh bara in todelh na kawngah hma chak takin a la a, kan sawrkar hian. Nikum chhunga kan buh tharte han ngaihtuah chuan, kundang zawng zawnga kan buh thar chu kumin chuan a lo khum ta a. Chu chung ni lovin chhungkaw seng tak tak, he sawrkar hnua ah hian pawisa a thlawna sem a ni a. Chutiang zelin Pu Speaker, kan retheih tawh luak avangin rangva in chung nei lote tan rangva inchung chhungkaw tam tak hnenah a pe a. Election campaign laitein min nuihzatah an hman a. Kan Chief Minister zahawm tak kan House Leader zahawm tak, Governor pawhin able Leadership a tiha hi, min Zarkawt pa thau liak luak a hmu a tia nuihsawh a, an tih lain chupa chu mipuiin chu sawrkar chu mipuiin an lo vote ta a. Vawinah hian ~~xi~~ helai House-a thu, chutiang sawichhetute pawhin rangva dawn loh an hlau a. Vawinah hian an vannei tawh a ni thihte pawh kan hria a ni. Chu chung a ni lo, chutiang tak a able Leadership a nih avangin miten sakhaw thilahte eng engemaw thilahte, High Court ahte khinin awm mahsela, vawinah hian India sawrkar leh khawvel hriatin a lo langsar ta a. Chuvang chuan India sawrkar ropui tak pawhin miten sakhaw thilahte min khin lain, an khin lain India sikulah Hermony Award India rama sakhaw tinte lungruai taka an chenza theihna tura

hna latu Award lawmman sang, chawimawina a han dawngte hi a ropui hle, mizo zingah a dang an awm lo. Hengte hi khawvela mi langsar Mother Terresa tena an dawng thin ang a ni a, a ropui hle a ni. Chu chang a ni lo. India ram ah hian lawmman sang tak an siama. Chu chu Jawaharlal Nehru Excellent Award an ti. Jawaharlal Nehru, kan Prime Minister hluiin, chungamitha chungchuang te, fel chungchuangte chawimawina an siam thin a ni a, Chutiang chuan chawimawina Excellent Award a dawng leh a ni. Hei chang pawh hi a ni lo Pu Speaker, khawvel hriatthamah, miten hetilaiah ti nek nekin engtin tin emaw puhchhe thin mahselangin, wawlinah chuan khawvel hriat thamin a lo thang ta a. Tunah hian Glory of India International Award, India ram khawvel hriata tihming ropuitute gingah kan Leader hi lo telin chutiang chawimawinate chu a dawng a ni.

Chuvang chuan kan Governor zahawm takin able Leadership a lo ti hi a lo dik hle mai, tih chu kan sawi duh a ni.

Pu Speaker, a dawt lehah chuan kan Governor thusawiah hian, a 3-na ah hian "Communal and fundamentalist forces raised their ugly heads to disturb peace and harmony," tiin a rawn tarlang a. Tunkum hnai maiah khan he ramah hian Communal Force lian tak mai a lo kal a, chi leh chi sakhua leh sakhua inhuattir tumin wawlinah hian an bei a ni. Chung zingah chuan India rama Party lian pakhat BJP chuan chung ang boruak chu a ti ta a. Tichuan wawlinah hian sakhua leh sakhua an inhua, chi leh chi an inhua, sakhaw bing in he ramah hian rorelna, Pakistan te, Bangladesh te, khawvel ram dang angtea min tih tumin India rama sakhaw zalenna kan lo neih thin angte chu tihchhiat tumin tunah hian an bei ta a. Heti anih avang hian keini hnam tenau, a bik takin Kristian te tan pheih chuan heta kan Governor sawi ang hian Central sawrkarin heng thil a hmaa a lo hruainate ropui a tihzia thu leh fak tlak a tihzia thu a sawi a. Keini hnam tenaute, keini sakhua tlem zawkte tan pheih chuan hei hi a pawimawh reng a ni. Wawlinah hian Central sawrkarah khuan Congress a sawrkar lo ang tih a hlauhawm em em a ni. Chuvang chuan India rama Kristian tam berte tawngtaina chu BJP Communal Force hian he ram hi a hruai ang a, he ramah hian sakhaw bing leh Hindu sakhaw bing a lo awm chuan keinite hi a tur. tur kan ni a, chumi do tur chuan wawlin a Central-a sawrkarna chelhtu Congress sawrkar hi a do chaktu ber tur a ni dawn a ni tih an hriat avangin wawlin niah hian India rama Kristiante tawngtaina chuan Pu Speaker Congress hi a sawrkar lovang tih an hlau a ni. Chuvangin alawm hmanni lawka India hmarchhak state bial pahnih an inthlanna Meghalaya leh Nafaland-ahte pawh khan Pu Speaker Meghalaya ah chuan pawl tangrualin Congress hneh an tum a. Wawina kan opposition hotute pawh an kal a, chutah chuan keini pawh kan kal ve a ni. Nimahselangin, chutiang ang chin chu Kristian khutiang tamna ramah a awm vaih chuan, Congress party hneh an nih chuan ram tan a pawl dawn em mai a, Kristian te tan a pawl dawn a ni tih hriain wawlinah hian chung tangrua pawl te chu lehthlakin an lo awm ta a. Chu chang a ni lo Pu Speaker, Nagaland in inthlanna an han neihah chuan Seat 60 ah hetiang sakhaw zalenna neia kal zel duh Kristian an nih avangin, hnam tenau zawk an nih avangin wawlinah hian 35 seat an la leh ta. Chu chang a ni lo Pu Speaker, wawlinah pawh hian hetilaiah

hian chutiang engemaw tizawnga tih tum an awm, inzawmkhawmna ti anga zawnga ti pawh an awm. Mahse Communal force te, an sakhaw zalenna zel turte hian mipuin he sawrkar hi an chhawm zel dawn a ni tihte pawh hi a lang chiang em em mai a. Chu chu kan tarlang tel duh bawk a.

Chu chang nilo, kan sawi leh duh chu kan Governor thusawiah hian, "We also commend the Union Budget for its progressive approach in providing relief and succour to the common man. The Budget also provides fresh impetus for new industrial undertakings to be located in the North Eastern region," a han ti a ni. Vawinah hian kan Central sawrkar Budget siam chungchang kan Governor in a han tarlang hi a tarlang fuh hlein ka hria. Pu Speaker, he ramah hian chawhpawlh sawrkar a awm tawh thin a. Hmanlawkah Khan Pu V.P. Singh a hoin chawhpawlh sawrkar an siam a. Chu chawhpawlh tu bawk khan andal bel kha a palbuaa, tichuan sawrkar reilote an kalpui ve a, chu pawh chuan ram a kalpui thei lo a kan la hria a. Tichuan tunah hian sawrkar chak tak a lo awm a, kan Finance Minister chak tak chuan, vawin ah hian India ram chutih lai a kan Economis in chhuk zawnga a kal lain leh India in a thil neih a ram rohute, Gold te, khutah, London ahte, UK ah te an dahkham lain vawinah chuan an budget a lo nawi leh tan ta, chawhpawlh sawrkar nilo sawrkar tha, mipuite hmangaihtu sawrkar a lo ding a. Kan Union Budget hi han en teh, Common man mirethei te tan a tha a middle man te tan a tha a. Vawinah hian mihausa te tan pawh a tha. Vawinah hian kan Union Budget helaia kan Governor in sawi lan nachang a hira hi a tifuh hlein ka hria. Chu chu kan sawi tel duh bawk a ni.

Chu chang a ni lo, keini India ram hmarchhak state tan ~~sax~~ pheih chuan Pu Speaker, lawmawm leh gual chu Industrial sector bikah tax holiday an siam a. Vawinah hian tax kumnga chhung kan han awl dawn ta a ni a. Pu Speaker, motion neitu ka nih avangin tawite, hei alaklawh dawn a. Chu chang ni lovin Pu Speaker, vawin niah hian HPC inbiakna kan tihte pawh kha kan sawrkarin hma a la chho a, he sawrkarin hi femna hi lo initial tawhtu leh lo champion tawhte a nih avangin vawinah pawh hian kan sawrkarin he rama kawhmawh bewlte nen pawh remna siam a lo tum chho leh ta a. Chu chang pawh chu ni lovin state capital Project te pawh Pu Speaker siam chhohin a lo awm ta. State kan nih hnuah hetiang anga kan plan Budget pawh nilo Central sawrkarin a min pek turin 25.57 crores min han pe ta bawk a. Chu chang ni lovin Pu Speaker, hetiang kawng a kan ram dinhmun a chhiat em em laia state capital project hetizat kan han nei te, kan sawrkarin in leh lo thlatina cheng nuai engemawti a sen laia, building lianpui pui, supply Building te, hei tuna kan chhak lawka building te, chutiang zelin Industry building te, Pu Speaker, Forest building te leh hetiang ang zawng zawngte kan han tihchhoh avang hian he sawrkar hi a va ropui em ! Pu Speaker, ka lawm e.

PU ZOSIAMA PACHUAU

: Pu Speaker, ka lawm e. Vawin niah hei Governor thusawi sawihona kan nei leh ta a. Kuminah vawihnih kan neihna a ni tawh a. Governor thusawi

(Member te an nuh a za hlawn hle). Hnathawk peih kan awn lova, eiruk leh eilante pawh kan pawiti tawh lova. Congress pakhatin "ngawi teh, kan awmdan hi i hre lo aniang e, mu-ah leng leng tih ang kan ni," a ti. Thawhchhuah ei tur ni ngat seng chuan tuna kan Ruling Party hi chu tamin an thi rum dawn a ni tlat mai. Kan Congress President in Khaedungsei ah kum thar hma khan a han zin a, lehkhabu a thlawnin nakkumah kan sem dawn tih thu an puang ngawt mai. Zirilaibu kan sem dawn an tia an lawm khawp mai. Kan Education Minister hi dawt sawi duh vaklo, a tihdikloh pawh puang mai chi a ni a. "Kan theilo ang, pawisa pawh kan nei silo," a lo ti ve leh mai. Khatiang mai mai kha kan ram hruaitu an nia, kan Education Minister nge huatthlala a, kan Congress President? Planning Board Vice Chairman te a ni leh ta nghal. Khatiang ang kha kan ni a. Vawwiin ni ah pawh Question a leak lo ni a mipui ngaih tir tlat kan Sorkar hian a la tum a ni a. Engtinge mipuiin an zui duh tawh ang. Hetiang Minister hi kan zui reng ang em? Kan Officer te hi mia nileng an nilo. Ngaihnan an sawi theihna hunah chuan an la sawi ang. Mipui pawhin an la sawi ang.

Tuirial luite, Tuivai luite, Tlawng luite, a Tuivaite pawh megawatt engzat pawh chhuak rawh se, sawive thin mah ila, kan khuap tak tak dawn lo, tuna kan awmdan ang hi chuan. A teuh lo em mai. Narasimha Rao hawn tir kan tum pawh Tuirial ah Motor kan ti lut thei silova. Kawngpui atanga mel khat siala hawntir kan tum a, Congress I hotu pakhat chuan chutiang kal theih lohva hawn tir kan tum ai chuan Aizawlah hawntir mai ila a tha lawm ni, a lungphum a chu a ti a. Kei ka ngaihnan chuan New Delhi ah lungphum law law mai sela. Kan President bang tawh R. Venkataraman kan Secretariat tur lung tur a phuma pawh khi Assam Rifle saptawng thiamlo chuan Jamader thlan emaw an ti asin. Chuvangin vawiin ni ah hian development hi mipui zingah sawi tur an ni lova. A dik takin Hindu leh nghalin Lalte hrilhfianna a siam e tih ang main kan Minister tan Development an han sawi hi chua awih tinah min an tin lo a ni tih hi an hriat tha in ka hria a. Chuvangin Electric tih te leh Development tihte hi chu ka lamah chhuah tur a ni lo. A nuam mange i lam huai huai teh ang han ti atan hian ka duh ber a ni.

Pu Speaker, kan sawi tel leh duh chu hei kan ram in hmabak lungngaih thlak tak a nei. Kan zirilaite hi vawiin ni hian an lungngai tawh a ni. Hmabak neilin an in hrelova. Doctor zirna tur kan hmu lova, kan in chuh a, Mizo kan pe leh e kan ti a. Mahse an han luah dawn a, vai kha an lo thu tlat tawh mai a. Hetihlai kan hotute hi chu kan sawisel tak na che u a, in la tha viau zawk. M.N.F. lo chhuah khan in tawlh hrut a, in thutna thenkhat chu in share mai. Vai ho khu kan Minister te ai chuan an sual deuh a, an thutna an tawlh duh silova. MBBS seat kan cancelled zawng zawng kha an thutna ngaihan an la thu vek. Mizo in tumah kan luahlan thei lo. Hengte hi kan Sorkarin bengsikin en sela, a ti ngam lo anih chuan Sorkar lehin a ti ang tih tal hi Press Release siam rawh se. Chuti anih loh chuan vawiin nia inchei nalha, nuam ti ringawt tur chuan kan mipuite hian hetiang hruaitu hi mamawh tawhin an in hre lo a ni tih hi in hre rawh se.

sawihona kan nei leh ta a. Kuminah vawihnih kan neihna a ni tawh a. Governor thusawi sawiho tur hi kan ngah khawp a kan ramah chuan, "Tlang sawn theihna khawp hial rinna famkim nei mah ila hmangaihna ka nei si loh chuan," tih ang deuhin thu hi kan ngah a kan ramah hian, chanchintha ni awm tak tak Thuthlung Thar puan tur hi kan sawrkar hian a ngah em em mai a, belhchian a dawl si lova. Chu chu Zoram mipuite kan buai na a ni a Pu Speaker. Hei kan Governor thusawi han en hian hei "All round growth and development of the people," tihte hi chu a ziaak a ni. Hei America ram atanga chhian atan itawm ka ti a. Nupakhat a zaithiam khawp mai a a hmel an han hmu chu "Awi ka rei !" an ti e tih ang deuhin. Kan thusawi hi a ropui si a. Kan nihna erawh chu a hniam si a. Vawiin niah chuan Zoram mipuite hian engnge kan tih ti ila, rangva bundle li leh Land Use pawisa Minister ina an sem engzatnge dawn tur tih pawh hriat chiah loh at leh fina zira dawn inzat lo nual a hi kan inchuh a ni mai a. Chu chu kan ram dinhmun dik tak a ni a. Session dawnah Campang-ah an lut leh mai a. Chuti reng reng chu an ni a kan hotute hi, mipui hi kan khawngaihthlak hle a ni. Kan sawitawh ang khan leak loa hlei a awm lova hei kan MCS Exam te kha sawi leh loh theih a ni lova. Vawiinnia kan sawi leh loh theih lohna chu kan MCS tharlamate hi vawiin niah tam takate hi chu an hmantlak loh a ni tih an Officer thawmpuife leh an hnuai thawk Clerk te pawhin an sawi bawi bawi tlat a ni. Hei hi ngaihtuah ngun a ngai. Question a leak a, tichuanin merit list pawh chu mi 800 lai an exam khan karhnih chhungin an peih reng mai a ni. B.A pass chiangkuang mang lote pawh MCS an passed zel a ni a. Chu chu em ni tawh ang kan ti a, kan H.S.L.C. Exam na Question paper te chu ni 18-ah kan Minister zahawm tak Pu Thansanga'n Press Conference a ko a, a sawi apawh kha a rilru tak tak a niin ka ring a, ni 18-ah dar 4-ah a ko a, dar 2-ah khan Exam Hall ah chuan a leakage avangin an buai hle tawh a ni. Mahse kan Minister chuan a leak lovin a hre tlat a ni, ni 18 ah a ni Chanchinbu ah chuan inrin ber ka ring a, hei hi 'MIZO AW' a ni a, a chuang tlat a ni. Engpawhnisela a ni a chu lo tidik ta nisela, kan Minister kha a soal vang ni lovin mi inform in a awm tawh hrim hrim a ni. Information dik a ni tawh lo hrim hrim a ni. Chu chu a vanduai thlak ka ti a. Kan Minister ka dem ringawt lo. Engatinge kan Minister hi Wrong information a fit ka ti a ni. Tichuan khami ni vek khan vanglainiah chuan Question leak, H.S.L.C. nimina Exam ah Mizo paper subject a inring dik lutuk deuh an awm ni awmin sawi a awm a. Vawiin a Exam tur Essay ah 'Discipline' a chhuah chuan zawhna putru a awm a ni thei ang a ti a ni. Heti chung hian kan Minister chu a tang tlat a ni. Kan Minister hi ka demlo, wrong information ka fit tawh a ni. Engatinge ni kan officer te leh kan Ministry inkarah hian gap a awm. Kan Minister te hian officer an bum zing tawh lutuk a, mipui an bum zing tawh lutuk a, an bumate hian an bum ve ni lovin thudik an hrih hreh tawh a ni. Chutiang ramah chuan kan awm a nih hi vawiin niah hian. He "Tlang sawn theihna khawp hial rinna famkim nei mah ila hmangaihna ke nei si loh chuan" tih angin Vawiin nia kan Governor thusawi te hi tlangmi an ni emaw nilo emaw 'Tlangau' pakhat zawng a ni ve mai. In duh duh in sawitir a, tawngkam mawi takin, mahse engngeni kan nihna hi. Electric te emaw kansawi. Electric hi sawi ngam tur pawh kan ni hlei nem, zu hmuna 'Thuthlung Thar Hrihfiahna' sawiho ang lek a ni.

Hei hun tlemte an la nei a, an in siam that theih loh pawhin sual lamah hi chuan kal zello selangin. Chuti lo chu mipuite hi khamtlangah min hruai liam dawn niin a hriat a ni. Mawng sawh kawrh kawrh kan ti ang tih hi kan hlau a ni. Chuvang ania zirilaite hian vawin niah hian an tih theih theih an sawi. Engatinge Association reng reng lungawi an awm loh? A ngaihna a hriat theih tawh loh a ni. A chhan hi a tam lutuk tawh a, lungngai reng rengin kan ram hi kan hruai a ni. Chumi avang chuan he House a thusawitu nih pawh hi a zahthlak a, sawi tur bik hre lo khawpin miin hei hi sawi rawh, hefi laiah pawh kan harsa, Khawnvartui pawh a awm lo. Buhfai man a to si, inhlawhfakna a awm bawh silo, engmah tih theih kan nei lo, kan eilo thei silo, chutih lain Rangva te pawh mirethei tan an ti a, i Congress loh chuan kan pelo ang che an ti a. Chuvang chu a ni ang, Synod hovin kan Sorkar hi an beih. Congress anih chuan Kohhran Upa pawh Rangva 4 bundles zuarin thenawhah a chhuak thin a. Pulpit ah thusawi an ngaithla duh tawh lo a ti ani. A rapthlak a ni! Mirethei tana Rangva kan lei, kum tina cheng nuaih 170 kan senna hi, pawl siam nan te kan hmang a nih hi. Chutiangte chu vawi 10 pawh piang-thar leh thin mah ila, a va han lawmawm teh fo em, a piangthar fo chu tih bak chu lawmthu hrilh tur kan nei lo. Kan ram hi a rumin a rum a ni.

Vawin ni a Officer corruption zual sum siam duh ve te chuan an sawisello a ni mai thei. An zui duh a ni mai thei. Amaherawhchu, a Mizo pumpui hi chuan hei hi kan duh dan a ni tawh lo a ni. Chuvangin kum a thar a, Budget thar kan nei a. Pawisa pawh a dik tak chuan hei kan hmu hnem tho a ni. Kan duhthusam kan hmu lo, mahse dik deuh zawkin i hmang ang, dik deuh zawk in. Hnathawh awm se, kan Alkatra luante pawh kan han chhuang thin. Lamlian kan sawi leh kan inhnial buai a, lamlian kan sawite pawh a in ang tawh lo. Kan Alkatra luante pawh a hnim lutuk a ni. Lunglei kawngte kha a diak lutuk a, a bialtu a mangang a ni.

Tin, BRTF kawng kan lak Ratu kawngte khi, Alkatra awm tawh sa pawh tiang khi a ni a, Pu Speaker, thu tha tak takte kan hotute hian an sawi thin a, an sawi tha em tih lam aiin tunge ni sawi tih an ngaihtuah thin a ni. Enge kan sawi thin tih lam aiin enge kan tih thin tih hi mipuite zawhna a ni. Chuti anih loh chuan Darbenthek ri ang mai mai kan ramah hian a tam ta lutuk. Pathian thu an sawi leh a sawi thei hlei hlei, development sawi leh a sawi thei hlei hlei. Thil tha engkim hria emaw tih mai tur, mahse ti thei silo Sorkar kan nei hi in ngaihtuah chiang sela, handi-cap pawh an ni em lo, Physically leh Mentally pawhin. An in siamtha leh ang a, Zoram tluchhe tur a hi thu hman em losela, thangtharin a dawn kan theihin, kan Sorkar hi ka ngen a ni. Pu Speaker, chuti anih loh chuan hei hruaitu chuti khati kan nih loh vang kan ti tur a ni lova. Nichinah kan Education Ministerin a banna chhan a puang a, amah tihsual nilovin, a hote tihsual avangin mipuiin an thatpui zawk nan tiin a bang a ni. Kan Finance Minister kha a bang ve ngam dawn em? Kan Education Minister leh kan Finance Minister hi kan buk a ni vawin ni hian tih kan sawi lang a ni. Pu Speaker, ka lawm e.

S P E A K E R

: Hun chu a ral a, chawhnu dar 2 ah
kan inhmuh khawm leh dawn nia.

2:00 P.M.

DEPUTY SPEAKER : Hei mi pahnihin kan sawi tawh a, sawi hona tan chho zel hla, Pu Lalrawnliana.

PU LALRAWNLIANA : Pu By.Speaker, ka lawm e. Hei kum dang anglo tak main Governor thusawi vawi hnih kan sawi hova, hetiang hi kan House-ah chuan a awm ka vawikhat rhrinatna a ni a. Kan Speaker sawi dan takah a tul vang pawh ani vak lova, chak vanga sawi te pawh ni lek lekin a lang a. Tin, a thusawi han en hian lawmthu han sawina tur leh kan sawi chhonzawm tlak teh vak hi a sawi manglo hle leh nghalin ka hria a. Chutih lain Budget kan han tan a, an leak nghal a, kan Sorkar hian leak hlirin kum kan hmang tluan tawh mai dawn a ni awm e. A zahthlak hle in ka hria a. Dr. Babua tih awm lek lek hi kan Sorkar hian a ti a ti mai a. Hetiang hi zawng i ching tam tawh lo ang u. (Dy.Speaker : Khawngaih takin mimal hming kha sawi lo ila) Chutih nak alaiin kan House Leader-in 23.2.1993 khan helaia Telecom Office a an hotupa ber kha award kha a lo pe ringawt mai a. Award te hi kan thei sem ta mai mai thin a, pawl ka ti a. Telephone dinhmun te hi a chhiat nen, Lunglei te pawh kan be hlei thei ngai lova. Saiha phei chu thla thum a thi tawh a, Champhai pawh heta tangin a biak theih lohva. Chutih lain kan member zahawm tak Pu Zosiama Pachuau phone te phei chu mi phone-ah te an lo thlunzawm leh nghal a. Thu ruk hriat chhuah an tum ngei anih ka ring a. Thil bawh-hlawh leh tenawm em em mai an rawn tihsak leh nghal a. Saitual bialtu zahawm tak pawh kum hnih kum thum hnuah pek a la ni lova. Tin, hei kan M.L.A. zahawm tak Khawhai bial tu pawh Phone chu kan peve e an ti a, mahse satahchhuak pek ang chauh, hman hleih theih loh a ni a. Telephone hman tlak loh tam tak a awm lain Award kan lo pe ringawt mai a. A zahthlak in a mualpho thlak lutuk deuhvin ka hria a. Hetiang ringawt chuan kan Award te hi i siam lovang u. Zahawm deuhvin i siam ang u. Hman lawkah Award kan dawng a, helaiah pek ve ba ta lua ah kan in ngai ta emaw ni ? A zahthlak lutuk hetiang phulo lutuk Award in pekte hi kan ram Chief Minister tihzahawm lohna leh tihhmuhsit-awmna a ni a. A pawl ka ti takzet a ni.

Tin, chu lovah chuan Governor thusawi ah khan Power lam thu te a han sawi a, Department lam atanga information kan dawn danin, Kan House Leader hian Bombay ah thian a nei a, chu a thian chuan thian a nei leh chhawng a, chu a thian chu a lo zin duh si a, khawlai-ah Mizoram hmun hrang hrang te pawh kal tir an duh sia, chuvangin thildang chhuanlam han zawn a remchanglo a ni chek ang chu, Serlui 'B' Hydel Project kha an enpui ringawt mai a, a zahthlak hle a. Education ah qualification-ah degree nei pawh ani mang silova, nuhza siam nan an hmang a, Bombay a thian leh thian leh chhawng te tiin. Mizorama mikhual pawimawh leh khual zahawma lo siam ringawt mai a kha kan duhtui lo ta lua deuhvin ka hria a. Kan Sorkar hian engnge maw a lakah beisei kan nei emaw ni, an lakah dawn kan nei nge, thil in share tlan kan nei nge. Chutiang dinhmun ah chuan kan ding a. Hetiang kan Sorkarin thil a ti thin hi tun hnu-ah chuan tih tawh losela, Power te chu kan nei

em em a, mithiam leh Education lamah pawh Power lama mithiam te chu lachhuak ila, a awm a, nimahsela C.M. thian, thian leh chhawng, engmah thiamna nêisilova kha, khatiang ngawt a kan han chei milian kha zawng a mawilo deuh ve. I ching tawh lo teh ang u tih hi House ah ka sawi ri duh a. Tin, tourist pangngai mai mai a ni a, file ah pawh engmah rawtna leh ruahmanna document pangngai a a procedure kha engmah a awm lo reng reng. Helaiiah phuahchawp a ni a, back date a ni leh nghal a, a zahthlak lulai deuhvin ka hria a. Chuvangin hetiang chu i ching lo hram ang u.

Tin, kan zirlai ten an zirlai-ah nasa takin theih tawp an chhuah a, an tha leh sum sengin theih tawp an chhuah a. Chutih lai chuan kan Exam Question a lo leak leh ta a, chanchinbu mi ten bengvar chhuahin kan Education Minister hnenah Question a leak a ni e, a fello an ti a, nimahsela Press ah a leak love a ti tlat a, a tang tung tung a, nimahsela, a lo leak leh si a, a leak leh e. Leak lo leak leh e. Kan House Budget pawh a leak lo leak leh e tih a ni a. Leak reng rengin bul kan tan a, a zahthlak a, Inquiry Commission in inquiry an han la a, kan House a kan hotupa ber unaute shhungkua te an lo tel leh a. Road Block a lo awm leh a, an report tur an ziah tur ang pawh an ziak leh ngam lova, Sazuk pariat kaptu te unau zinga mi kha an ni leh nghal a, hetiang hi kan ram hun tawngah hian ava pawl thin tak em, chuvangin hetiang hi chuan in ti tawh lovang u tih hi vawin ni ah hian Pu Dy. Speaker ka daw duh a. He ram leh he hnam hi dik takin tumah vua leh vang leh u leh nau sawi lovin ram i kaihruai ang u. Chuvangin kan ram mipui hi an retheiin an harsat tawh em hi. Mahni hmasial chungahruai tlak an ni tawh lo. Kan vawin dinhmun mipuite harsat zia leh mipui te dinhmun chhiat zia hi sawi hian a siak tawh lo.

Chuvangin Economic lam ah leh development pangngai lamah hian kal tawh zawk ila tih hi Pu Dy. Speaker ka han sawi duh a. Governor te thusawi thla tin mai a chhonzawm a sawi hi a ninawm a. Chuvangin hetiang hi tul tawh lo, tih tawh loh pawh tha in ka hria. Thu tam sawi ka tum love, Pu Dy. Speaker, ka lawm e.

PU VANLALNGHAKA : Pu Deputy Speaker, hun min pek avangin ka laem e. Kan Governor thusawi ah hian thil danglam tak mai Aizawl West I President Pu T.C. Pachhunga thusawi ah khan a lo lang a, hei Biak ina inkhawm thang kan ni deuh vek a, chang thlan kan neih deuh bik hi.

Hetah hian ngaih pawimawh deuh ka neih chu "The State Government under the able the leadership of Chief Minister Pu Lal Thanhawla as a resulted inisialism of a number of constructive progress with a shaw result in the coming year" a ti a ni. Hei hi a ropui hle in ka hria. Amaherawhchu keini a Ruling Party in lawmawm kan tih lai tak hian, kan ep lam a thu te hi chuan ngaih-thlak hrehawm an tih ka ring a ni. A chhan chu a lawmawm lo tlat a an tan. Sorkarin chak taka hmasawmna hna a tha zawnga a thawh chungchang an sawi kher kher a hi, a eptu lam tan chuan ngaihawm awm tak a ni. Hnara hlit awm ang hlah a ni.

Tin, tunah hian hmasawna hna NLUP te Rangva sem te mirethei te tana Pi Indira ruahmanna a lo pek chak lo zual te tana inchung khuhna tur loan ang si, mahse ruh leh tur silova, kan pek te leh kan sawi-chhuak te ringawt hi, a lawmawm a ni.

Tin, huatthlala awm em em a awm a ni. Thingtlang mirethei te Pu Lal Thanhawla hruaina hnuai a a chawikang a hi. In chung tur rangva neilo ten an nei a, eizawna ngelnghet neilo ten an neih theihna turin pawisa a pe a, a huatthlala awm a ni. Hmasawna duhlo tan chuan huat ngei ngei tur a ni. Amaherawhchu, hemi kan hnathawhna turah R.D. Minister emaw tupawh ni rawh se, an famkim lo, famkim lohna kan nei vek a ni. Mit pahnih kan nei a, hnar kan nei a, mahse kan famkim chuang lo. Chutah chuan ngaih-hnathiamna thui tak kan nei a. Tin, hmasawna chi hrang hrang kan han tih a, Education lamah pawh hma kan sawn dan chu kan hre vek a. Kum 1951 ah chuan zirlai Mizoramah 255000 chauh kan ni a, tunah chuan 760000 chuang kan awm tawh. Chutiang chuan hma kan sawn a ni.

Amaherawhchu, tunhna kan nunhlui te chhui ta ila, ramhnuai inzirtir kan chin lai te kha chhui kir ila, kang kha chuan hmasawna a siam lo a ni. Mi in leh lo kan tichhia a, keipawh in zingah ka tel ve a, mi in leh lo kan tichhia a, mi nunna pawh kan laksak a, chu chu hmasawna-ah kei chuan ka chhiar lo a ni. Kan tum ber kan fail leh nghal a. Independence kan ti a, in zingah ka tel ve a ni. Independence kan ti a, mahse hei kan in surrender chu ka tilo, mahse a dar deuh chu a ni. Saren a tel loh pawhin der chu a ni reng reng. Chutiang chu kan kalphung a ni. Pu Lal Thanhawla Sorkar chuan mi retheite changkan na a dap ngar ngar a ni. Thenkhat chuan vawk in ruak alawm Congress chuan hmasawna an tih chu in ti a, mahse mipuiin an duhthlanna a an thlan a ni. Keimah niin vawkte chu kan lei ange an ti a, a pawisa in an pe thlap a ni. Patlingin duh an thlang a, inthlan sak silova, an duhthlanna angin an ti a, chu chu Sorkarin mipui duhthlanna a zah a, chutiang chuan Sorkarin a ti a ni.

Tin, hmasawna lamah, nichin khan kan Education Minister bang ta khan a sawi a, Mizoram pawh Text Book lamah pakhatna kan ni e, a ti a. Kan rilru chuan pawm mah ila, pawnlam, mipui hriatah chuan pawmlo angin kan awm dawn a ni. Chu chu politics khel thiamlo khel dan a ni. Chutiang chu kan kalhmang a ni a, a dikna hmu reng mah ila, kan haider thin a. Hei Mizoram chu Forest ah a ti tha ber kan ni a, an ti mawlh mawlh a, lawmthu sawi tak aruang a, Sahuana Sazuk talh kha chu kan sawi chhuak tawh lemlo anga, able leadership Chief Minister Pu Lal Thanhawla tih hi i pawm thlap ang u. Hei ai a tha hi a awm lo reng reng. Ka rilru tak tak in ka ti a ni. Lehlama thu te nen hian thawk dawn pawh ni ila, hei ai tha chu kan tichhuak lo reng reng ang. Kan tih theih loh miin an tih hi kan itsik mai mai a ni. Mipui tana hna kan thawh hi mit min timim mai mai a ni lo maw.

Hei, tunah hian Transport chungchang thilah pawh thil a kaltluang em em a ni. Transport hi mi-hring kan changkan chuan Transport communication tel lo chuan

a tih tak tak theih loh a ni. Tunah chuan an duty tiin Lunglei an Aizawlah hna an thawk a, zanah an haw leh a, a tuk ah office an kal leh mai a. Chutiang chuan kan Sorkar hian nasa takin hna an thawk a ni. Hei hi chu lawm ve awm tak a ni, a lawm lo pawh nuih ve hram hram chi a nil. Kan hmasawna hi a kal chho zel dawn, Telecommunication ah khan ka hma a sawi tu khan a sawisual deuhin ka hria a, a Phone a diklo anih chuan ka mre lova, Kei chu ka be reng Lunglei kha. Thil pakhat chu an telephone a tha lo niin ka ring a ni. Lunglei a that loh pawhin Saiba kaltiangin kan be mai alawm.

Tunah hian kan Governor thusawi hi a tawi hle na a, a selection tak tak Mizoram hmasawna tur a sawi ania. A chipchiar in a sawi lo na a, a sawi kim hle a, lawmthu ka sawi duh a ni.

Dr. R.LALTHANGLIANA : Pu Dy. Speaker, hei kan Budget a leak a, a pawl hle a, leak chhunzawm nizan lamah kan dawng a. Hei leakin kan tan a, Lunglei Greater Water Supply Scheme saw lai a pipe phuma kha hei report kan dawn dan chuan Dt. 13.3. 1993 Inrinni zan dar 11/2 ah Pu Lianzuala inbul Zotlang a In atanga feet 25 a hla ah vawi 3 a puak keh a, pipe hi meter 4.1 a dung tluangin a keh fai chhe vek a. Tin, D.C. leh Department lam chuan a manufacturing defect a awm ngei a ni tih an hria a. Tin, welding capacity tura ngaih kha kg 97 per cm a ni a, mahse test anih hian 70 kg angin tih a ni a, mahse tah hian zo ta lova 70 kg a kha, tunah hian a keh darh ta a ni. A keh zau zawng hi a lian lai berah centimeter 4.15 a ni a. Tin, a pipe chhah zawng hrim hrim hi chu 6.5 mm kha a ni a. Hei hi a vanduai thlak hle in ka hria a, helai leak akkan han tan a pawh hi, a chhunzawm na a tha viauin a lang a, mipui an mangang hle a, tum thum a puak a, Pathian a lo kal ta emaw ni chu aw an ti a, a rapthlak hle a ni. Amaherawhchu, vanneih thlak takin a bul hnai lutuka awm in tihchhiat a la nei lova. Hei hi kan ngaih pawimawh a tha in ka hria a, ka sawi duh a ni.

Tin, a sum chungchang hrim hrimah hian (Deputy Speaker : Ngawi rawh lawk aw. Nia, sawi a tha tho a, chu thil tha a ni a. Tin, sawi Greater Lunglei Supply saw la hawn loh a ni rih a, pipe saw englai pawhin an test reng a, a zo lo laia leh a zo laia kha an englo vel mek a, saw laite chu helai House ina in hriat atanah kan sawi duh a ni e. Awle, sawi zawn zel rawh le). Chutiang chuan a suma pawh hi a tira Contractor pek tur anga lang, an pek loha cheng 840 a thawk an pek duh tak loh avang khan he Sorkar hian tunah hian revised an han siam a, 27 crores nuai 47 a tling ta a ni. Chumi avang chuan Mizoram Sorkar in he Project lian ber Mizoram kan neiha kan sum heih hi 19 crorea tling a ni. Hei hi thil pawl tak niin ka hria a. A hnar atangin a dik lo a niin kei ka hria a. Lo leak advance Mualpui ramah cheng nuai sawi ruk leh pakhat leak, Shillong Mizoram House advance in a leak a, a lei nan nuai sawmhnih leh panga. Industrial Board Centre ah nuai sawmkua leh pariat. Hrahgchal Kawnah nuai sawm hnih leh pathum singa. Silchara Mizoram State Transport tan nuai sawm sarh chuang zet a leak a ni. Chuvang chuan vawin niah hian kan Sorkarna cheltu a te hi an in enchian a pawimawh in ka hria.

Hei, Governor Speech ah hian Law & Order kha a rawn sawi a, 4 na ah khan, a peaceful a ni a ti a. Vawiin niah hian Pu Speaker, a hming kan sawi mai ang a. Hunthar Venga Lalthanghleia chu tahrik ni 26, thla hmasaa bo ta kha vawiin ni thleng hian zawn hmuh a la ni lo a ni.

Tin, nikum lamah Mizoram pum pawh ina kan hriat Pu Lalventhanga leh Lalnghakliana te ruang chu a chin hriat lohvin a awm a ni. Hetiang hi a peaceful kan ti thei ang em ? tih ka sawi duh a.

Tin, chu lo lehah chuan hei Feb 13, 1993 Khan Tlabunga Civil SDO Pu Kanchha chuanin Baptist Church of Mizoram ina an in an hman lai mek a thiah sak a ni tihluhna in. He hmuna hi Mizoram Baptist Kohhran hnen a pek a ni tih lehkha D.C. in 1990 June ni 18 ah a chhuah a. Chutah chuan "Permission is here by given to the General Secretary, Baptist Church of Mizoram, Serkawn" a ti a, a sawi thla zel a. Hawzaisuri a mi, helaia hi a ni a. Kha laia thil zawn zawn leak, a in mai ni kovin, khalai vela bungrua zawn zawn vawiin ni-ah hian laksak an ni a, an lakir leh lo a niin a lang a. Hei hi thil pawh tak mai kan ramah peaceful, a peaceful a ni tih kan sawi laia, helaiah hian a peaceful lohzia tilangtu a ni a. Tin, chumai nilovin kan sawi zel ang a, Pu Deputy Speaker, Hawzaisuri ah bawk hianin 7th February a niin a lang a. Tah khan VCP Okha fapa chuan Hawnggaw Sinha Kristian kum 40 lai lo ni tawh Hawzaisuri a mi, chumi chu a inkhawn lai an tibuai a, lungtum in an vawma, a bawpah chuan in hi halsak a ni tih he House hi ka hriattir duh a. Chuvang chuan kan ramah hetiang a peaceful a ni tih Governor in a sawi hian a peaceful lohzia helai incident a hi kan hriat thain ka hria a. Hei, a thiatute ngei pawh an hming Hawnggaw Sinha tih te, Pundike tihte, Lomthunal tihte, Hoczena tihte an ni. Chung chu vawiin ni thleng hian an man thawn kan hre lova. Vawiin ni-ah hian ka sawi duh a.

Tin, chuloah chuan Pu Speaker, 8-na phek 2 na ah khanin Power & Electricity chungchanga rawn sawi a. Helaiah hian helai Power Committee hianin 12 Dec. a an thut khan phek 7-na, 4-na ah hian realification of Thingsai and Cherhluon Centre tih a ni a. Kan Sorkar hianin Electric eng pek thar lampang nilovin realitify niin ka hria. Vawiin ni ah hian a zahthlak hle in ka hria a. Bial tu MLA berin a han hawng a, a bulb kha a hawn ta vek an ti a. Cherhluon ho in, chu chu han vuah leh vat nise a the awm e tih kan sawi duh a ni.

Tin, chulo lehah chuan hei vawiin niah hian thil leak lo tur, thil leak tur zawk leak si lo a awmin ka hria a. Mizoram Pay Commission in report pakhatna chu a peih tawh niin a lang a. A pahnihna kha December thla ah khanin a peih hman tawh a, Government ah a thehlut tawh tih kan hria in ka ring a. Vawiin ni thleng hian Sorkar hnathawkah puanchhuah a ni lova, public ah puanchhuah a ni lova, MLA hriattur pawhin puanchhuah a ni lo a ni. Vawiin niah hian hetiang hi a kalphung tur a ni tih hi House ah ka sawi duh bawk a ni.

Tin, chu lovah chuan Pu Dy, Speaker, hei University chungchang hi kan Governor speech ah hian a lang lova. A hmasa khan a lang tawh lo bawk a, tun hi a vawi hnih lan lohna a ni a. Hei hi pawimawhin ka hria a. Nikumah khan Budget Session ah, helaiiah hian theihtawpin Opposition lampang pawh min nawr a. Kan pass loh kan hlau em em a. Helaiiah Session lai a ni a, kan pass tel theih hman kan ring ti khanin kan hmanhawh pui tlang kha niin ka hria a. Vawin niah hian hmalak a lang lova. Khulaia k kan Parliament Session ah pawh he thu hian awzia a nei lo a ni tih vawin nia Zoram mipui in kan hria hi a pawh hle in ka hria a. Chu chu ka tarlang duh bawk a ni.

Tin, Agriculture Department chungchang hian tukin zawhna ah khan kan han sawi ri a, amaherawh chu min han chhang thei lova. Supply Minister khan in, an record kha a dik anih ngai chuan. Hei, nikum a buh thar hi New Land Use a kan hlawhchham lutuk ayangin Mizoram mipui kan bei dawng, tunhma kan eizawhna ah i kal leh ang u tiin theihtawpin kan bei a, kan bialah phei chuan, a lawmawm viau a, buh thar a tam em em a ni. Pukpui ah phei chuan kham kan nei vek a ni. Chutah chuan Agri Dept. in Record an neih ah hian Matric ton 83954 a han hisap phawt a. Tin, vawin ah hian kan rice kan buhfai kan led a ni, a sang chho zel a hi, vawin ni-ah hian ka question duh a ni. Min chhan theih ka ring a, min chhan theih loh pawhin ka hrethiam tho ang a.

Tin, hmanni khan Supply Minister in Synod Conference Hall ah khan he Ration Card a hming chuang, a member awmzat a kha 90000 dawn laf niin ka hria a, ka hre sual em ka hre lova. Hei hi a dik anih chuan Mizoram mipui aia tam Ration Card a awm a hi thil nithei ani thei dawn em ni? Mizoram chhiarpui ah khan 7,00,000 vel kan ni a, heng thil hi ka zawt duh bawk a.

Tin, vawin ni-a a tawp bera ka han sawi duh a chu, hei inzawmkhawm chuti khati, anghet lovang han tih sawi a tam a, a lawmawm kan tikhawp mai. Tute emaw inzawmkhawm ang kha a ni ve dawn lova. Bawng eka zut mam inzawmkhawm ang kha a ni ve dawn lova. Cement anga char tha angin kan inzawmkhawmna hi kan nghet dawn ani tih hi ka sawi duh a. Chuvang chuan rawn ti rawn ti ula, khatia intih nasat poh leh he kan thawhona hi a nghet a ni tih ka sawi duh a. Governor speech nilo in rawn sawichhuak atang khan hei hi a tawpah kan belh duh a ni.

Pu Dy. Speaker, a tawp ber atan chuan kan Governor speech ah hian thil langlo pawimawh deuh mai a awm a. Hei Sun Magazine nikum July 19-25 inkara chhuak ah khan Page No. 71 a tlangah hian hetiang hian a inziak a. Kan chhiar mai ang a. The State finance have improve considerably since the central government wrote of and 43 crores loan a ti a ni. Hei hi he kan Governor speech ah alang lova. Kan Finance Speech ah khan alang bawk lovin ka hria a. Hei hi engnge ni? In hmanng zo ta nge ni? Vawin ni ah hian Mizoram mipui ah effect a nei em? tih hi vawin ni-ah hian ka zawt duh a. Chu chu Pu Deputy Speaker, a tawp nan ka han tarlang duh a ni. Ka lawm e.

PU LALRINCHHANA : Pu Dy. Speaker, vawiin ni-ah thusawi na hun min pek avangin ka lawm e. Vawiin ni-ah hian Governor thusawi a lawmthu sawi turin mover khan a rawn moved a. Kan Governor in mi a rawn address hi lawmawm ka ti a. Amaherawhchu, Governor hrang hrang thusawi leh a thu sawi awm tak tak sawi telloh atang erawh kha chuan, lawmthu sawi harsa tih ka nei a.

A hmasa berin kumin hi kum danglam tak kan tawng mek zel niin ka hria a. Hei, thla thum kan chuangkai a, Governor pathum kan nei ta a. Governor address na tum 2 kan nei tawh a. Tin, thla thum chungin Governor pathum nei chung siin ni 7,8 vel chu Governor nei lovin kan awm a. Tin, Governor kan neih loh lai pawh khan Governor chuan Order a chhuah reng thova. Governor awm leh awm loh hian awmia a nei tlat lo.

Jan 29 atanga Feb 8 thleng khan Governor kan nei lo reng reng. Kan Governor khan banna a thelut a, pawm nghal a ni. Feb 8 velah khan kan Governor tharin thuthiam a rawn la chauh a ni. Khami chung khan Governor kan neilo reng reng. Mahse Governor hmingin Order engemaw zat a awm hman a ni. Chuti anih chuan kan Ministry hian Governor awm leh awm loh hi awmia a neih tir reng reng lo. Chuvang chuan Governor dinhmun hi engmah lo ah kan chantir a. Governor awm loh pawhin Order a chhuah thei tho. Engnge ni helai kan kalphung Governor hi engang in nge kan dah tih hi ka rilru ah a lian khawp mai. Chuti anih avangin leh lam ah chuan kan ngai pawimawh viau va, tum hnih tum thum address kan neih tir a. Hei hi thil mak tak pawh a ni a. Hei hi vanduaithlak pawh ka ti a ni.

Tin, chulovah chuan Governor thusawi ah khanin, kuminah vanduaina nasa tak mai kan ram a tawh a, tichuan Matric Exam zawhna a leak out avangin a ram pum huapin Examna pawh cancelled a ni a. Exama lokal te pawh kha thingtlanga awnte chuanin kan hmu a. Khaw hla tak a atangin khaw dangah Exam bei turin an lo kal a, chutah chuan Motor te an hire lo thei lova, motor an hman man ah cheng tam tak an seng a, mi In an luah a, kang zawng zawng kha a thlawn vek a ni. Chutiang chuan in senso na rapthlak tak a thleng. Chumi bakah ram mualphona khati khawp khan a thleng a ni. Chuti chung chuan kan Governor hian a speech ah hian a sawi tello hi kan ram hi a thlir lo em ni. Kan ram a, thil tha a sawi lai hian, kan rama vanduaina rapthlak thleng pawh hi a hriattir dawn lawm ni? Kan ram mai pawh nilo India ram pumpui ah pawh kan hnam a thil thleng si a, heta House a rawn address na ah, he thu kamkhat te tal pawh a sawi tel lo hi chu mak ka ti a ni. Chuvangin kan Governor in he thu sawi tur a a rawnin buatsaih na ah leh sawi tur a kan buatsaihna ah hian, kan ram kan ngaihtuah lo. Nidang a kan tih ngai loh leh Governor pawhin a a rawn address ngai reng reng loh. Ministry in thil tha a ti anih chuan Ministry in thil tha a tih kha an sawi mai a ni. Amaherawhchu mimal hming leh chawimawina House Leader anih pawhin House Leader tiin an ziak mai. Amaherawhchu mimal hming kan Governor thusawi tur Sorkarin a rawn buatsaih na ah hian a rawn tarlang a. Sorkar hian Governor an sawitir a ni. Hetiang ang hian kan Governor te hi thu kan sawi tir fo dawn em ni?

Tin, chulovah chuanin heng kan uar ber tur development ah Electric kha a rawn sawi a. Hei, kum li a ral tawh a, a kum 5-na atan budget kan passed dawn a. He kum li chhung hian cheng ruai engemaw zat Electric ah kan hmang, amaherawhchu he mi chhung hian Power engzat emaw kan tih pun chu le. A tawp dawn a ruai ah Tuivai, Chhintuipui hmalak tur kan sawi tawp, kum li chhung khan engge kan thawh. Power pakhat mah kan pechhuak lo em ni. K.V.Line chu kan thlung tep mai. Mahse, chutah chuan eng kan pe bawk si lova. Power tipung si lovin K.V. line an thlun belh teuh a, connection neitute kan siam belh teuh a. Chung mite chuan thla khatah vawi khat te, minute khat te eng an hmu a, zan khatte achangin eng an hmu a. Tichuan a hhlapum huapin electric man an chawi bawk si. Chutiang reng reng chuan thil kan buatsaih a ni. Ram development buatsaih dan phung leh kan uar ber kan Sorkarina Mizoram hmasawana turah directory a dah aini kum li chhung a hma kan lo lak tawhna hi i chhut let teh ang. KV.Line leh connection ah chuan a tam khawp mai reng a, a kal pawh a kal thui a ni. Mahse Power pek tur nei silova, mipui chhiah chawi tam tir ringawt in em ni hma kan lak ang. Kum li chhunga hetiang Power tihpun belh si lo hian tuna kum tawp dawn tep last year-ah hianin eng tehual nge kan chan chuan ang le. Election Campaign-na hmanrua mai a ni lo maw.

Tin, kan ram development kalphung reng reng pawh hi mipui mimir leh mirethei kan chuan a mang-an thlak a nih hi. Sawitu pakhatin a sawi ka hria a, a awm ka ti khawp mai. Kan ramah hian development chu a awm ngei mai a. Mahse he development inbuk lo, lu chang thanglian lurh, taksa pengkhat khawilai emaw thanglian lurh, mahse taksa inbuk tawk lova, din pawh ding thei lo, kal pawh kal thei lo, thu ringawt mai ang development a ni, a ti a, a dik viau in ka hria. Vawin niah hianin in leh lo leh thil tam takah midang tam tak chuan, kan hotu tam takte chuan development hian mi a ti zaw khawp mai. Kan in leh lo te han thlir chuan kan ram neithe han thlir chuanin. Amaherawhchu, ram mipuite hi chuan kan in leh lo ich kan ram hian mipui mirethei zawk hi mi in delhlum zo dawn kan ti a, kan mangang a ni. Keini lam kan che thei silo. Kan lute hi in let mai ang a, amaherawhchu kan ke lam leh taksa peng dang hi a thang si lova. Chuvang chuan kan che thei lo, lu lam lawk lul mahse a chet theih siloh chuan a lum reng tho dawn. A tawpah chuan in midangin an ei zo thovang. Chu chu anih avangin tun hun chhova kum li kal chhovah kan development kal hi han chhui tak tak chuanin a mangan thlak a ni. Chu chu anih avangin Mizoram development kan kalpui chhoh dan te pawh hi, tun anga kan kalphung anga kan kal hi zawngin mirethei zawkte leh mipuite tan chuan tahna ram a ni, manganna hmuna ni tih hi ka han tarlang duh a ni.

Tin, ka bial thil, a bikin tlem han sawi ka duh. Tun tum chhung zawng zawng hian ka bialah buaina a awm. HPC avangin harsatna namen lo kan tawk a ni. Tichuan tun hnalah Sorkarin inbiakna, HPC te nena inbiakna an nei a, lawmawm ka ti a. Tichuan Session hmasa January ah khan lawmthu pawh ka sawi nghe nghe a ni. Tunah kan Governor Speech ah ngei pawh kan he inbiakna hian tluang taka a awm a, inremna a thlen ngei a beisei thu a rawn sawi

kha. A thu ah hi chuan a lawmawm khawp mai. Amaherawhchu inbiakna kalphung tuna han thlir hianin rilrua concern tan chuanin a na a ni. Tun March 12, 13 vel kha inbiakna hun tura ruahman a ni. Amaherawhchu khami inbiakna tura hmala turin HPC te leh helai Mizoram Sorkar Silcharah ruahmanna turin RV an siam a, kal ve ve turin an ti a, Mizoram aiawh lam pakhatmah chawm tu tur an awm lo. Chumi avang chuanin kha thil ngaihtuahna kha kal thei lovin tunah hian a awm ta a. A tawpah zat mam zawngin Session zawhah a mam zawng in inbiakna kawng hi buatsaih leh nise tiin a kal ta ringawt mai. Chuvangin he remna tura inbiakna hi tih tak taka inremna tura hmalakna aiin Election kan hmachhawn dawn a hriatna avanga chumi hmanrua ang lek inremna leh boruak tha zawk siamna tak tak a kawk lo em ni tih hi a ngaihtuah theih a ni. Chuvangin vanduaithlak pawh ka ti a ni. Chuvang chuanin helai kan Governor thu han sawiah hian, vawin niáh hian lawmthu han sawina tur neih hi harsa ka ti a. Chuvangin kan mover ina he thu a han move pawh hi a thlawp zawnga thu sawi harsa ka ti a ni. Ka lawm e.

PU PC. BAWITLUANGA : Pu Deputy Speaker, hun min pek avang
MINISTER in ka lawm e. Hei kan Governor hi
Governor thar a ni a, thut hmun pawh
la rem fel tak tak hmam helaihan kan

House-ah thu rawn sawina a nei a. Kei, mi thar leh engmah la hre lo tur a ni ang chu ka tihlaia a lokal nihnih khat lek a cham chung pawna kan ram ina hma a sawn zel tunna leh tin, kan House Leader, kan Chief Minister zia te a rawn hmu Chiang hle mai hi lawmawm ka tiin, a thusawiah hian sawi tur a tam a. Amaherawhchu, hun kan neih tlem avangin kan sawi tam hman lo ang a. Thenkhat khan an rawn sawi a, lawm lo. thu te, Bible thu te pawh min hriatchhuah ti a. Phenglawng kan tuma in lam silova, kan tapa, awm in chum silo tih ang deuh kha a ni a. Hetiang a awm hi a mak ang reng khawp mai a, lawm lo tur chi hi chu lawmna chang hre lo, savawm lung in tang ang deuhthe kha anih theih awm e, a tawpa a ngaia luh leh mai.

Tichuanin hei, helai a rawn sawi ka han tarlan duha chu para 2-na "The State Government under the able leadership of the Chief Minister, Pu Lal Thanhawla has resulted in the initiation of a number of constructive programmes which will show results in the coming years", a tiha kha, Chief Minister thil ti thei tak mai ina hna a lo thawh tawhna hi a ni pawhin ropui a ti hle a ni pawhin kan hria a. Tin, Zoram mipuiten nia kan hriat kha min rawn share pui pha a niin ka hria a, a lawmawm hle in ka hria a. "Constructive programmes" a tih a kha sawi tur a tam awm e. Hei kan hriat angin kan ram hi kan pachhe hle a. Amaherawhchu kum 20 tal tawp buaina in mi a chingchivet vel a, ding leh vei pawh hre hrang hlei thei lovin. Tin, Sorkar hnathawkte pawhin an ziah ber pawh leh an ziah ber pawh hre hrang hlei thei lo kawp a kan awm hnuah, hetiang ang hian hun reilote hnuah Chief Minister thil ti thei tak mai, remchang hre siin hetiang ang hian mi a rawn hruaina ah, constructive programme, nichin khan kan han sawi lang a. Lunglei lampang MDA zahawm tak Pu Thangliana'n a rawn sawi kha lawmawm ka ti hle a.

Hmanni lawkah Lungleiah sawi tui verchchhuak turin an va kala, tui verchchhuah tur pakhatmah an hmu lova, puahthhuah an tel tawpa, an lo haw leh a, Sorkar kha. Amaherawhchu, vawlin nia kan han hmuha chu a hrui zo lo khawp tui a kal tam a, pipe puak pawp pawp khawp kha, ropui hi ka ti em em mai a. Hetiang ang hi a hrethiam lo tan chuan han an buan huan pawh a awl a, Sorkar hian a han test a, kan pipe zawm na lai te a tha tawk em? A pipe te hi Company hian a tha hi an han ti ve ngawt a, a tak tak a thleng pha em? Tuna mi kha chu testing a nia. Khati khawpa MLA te pawhina han aupui ruai khawpa tui an luang lut tur kha ka mitthla-ah ka hmu a, Lunglei khawpui ah. Chu chu helai constructive programme a tih constructive a siam tha zawnga programme a la chho duai duai a kha ropui ka ti em em a ni. Hei, Lunglei lampang tan pawh a lawmawm zualin ka hria a. Chuvangin lo mangang lo sela. A aia chhah tha pipe an han thlak mah nanga, an la hmang dawn niin a lang a ni. Chuvangin kang angh khan lawmawm hle in ka hria a ni.

Tin, Power chungchang pawh a rawn thailang a, helai Constructive programmes zel turah ngai ila. Nichin Khanin an han sawi a, a hrui kan zam ruai ringawt a, la hman loh kha kan han ti a. Hetiang ang hi a ni ve deuh a. In kan han sa a, a foundation vel daha, khawng kan inchung, khawng ka room tur, khawng tih ngawt kha a ni lo. Tunah hianin hma a la chho chauh a ni a. Kei ka lawm em em a ni. Hmanni chu ka bial Vanchengpui, tam tak phei chuan in hre lo anga, hmu pawh in la hmu lo ang, luhna kawng pakhatmah a la awm lo. Chhawrtui khaw chhakah khian a ni a, hei Pu Tawna hian a bel hle ang a, Khatih te khian ban kua an lo lai a, sakuh kua ang mai hian a lo vung chho tuar mai a. A ril teh reng nen, a han beih chboh dan khi a ropui ka ti em em mai a, khami constructive programme kalchho zela kha a la nia. Vawilekhatah khawvel thil reng reng hi tih zawh thut theih a ni lova. Hetia kan sawi liai liai chhoh hian a tha chho zel dawn a ni a. Chutah chuanin hei kan han sawi chho a. Electric Power chungchangah te hian a ropui hle in ka hria. Hei mahni ngaihtuah vak loh han ti ila, han sawi nikhua hian kan lo ngaihtuah chho veleh zel a ni mai a. Serlui 'B' Project kan han tih te, nichin Khan Sateek bialtu zahawm tak khanin khawilai. Tourist lampang emaw a pawlut ta a, helai kawt lai fantir angte khan a han sawi a, thil hi hriat loh hi chuanin a hriat loh theih em em mai a. Sap kal nazawngte hi Tourist emaw ti tawk te an awm a. Khatiangte kha a ni ve a ni. Chuvang chuanin mi hi zawh ve te pawh a tha a. Khatiang ang khan Tourist te hi Serlui 'B' Project ah an hrui kher lo tihte hi hriat a tha a, a awma hi a va kil viaw ania. Hetia kan sawi ang pup pup hi chu a ni mish lo a ni. Chuvang chuanin khatiang ang kha a ni a. Tin, a sawi ah khan a thui ang reng hle khanin ka hria a, Foreign relation kha a kawt ruih mai a. Bombay ah thian a nei a, chutah German ah an ti a, a ropui ang reng hle a ni. Chu chu Central hian tunah policy hi zau tak a nei a, Foreign coloboration a han tih a tum a. Hei hi zalen a pe tawh a, tunhma ang lovin. Chuvang chuan khatiang khan kan indapchhuak mek dawn a ni. Bui tak karah helai chungchangah hi chuan kan la hmu tam deuh deuh dawnah ngai ila.

Hei, Tuirial Hydel Electric Project te, Tuivai te, heng ang zawn zawn a hi Chhimpui te, chu chu a chiangkuang ani. A chiangkuang a, hei Maicham Project hi a rawn ziak lawm maw ni, khing te phei khi chu hmanni a han hmu pa in a sawi a, khawvelah khitiang khian thil a lo tih theih a ni maw a ti a, pipe lenzia te a han sawi a, khatiang kha a ni a. Amaherawhchu, helai Aizawl kawtlai dung vela Boxing kan en vel karah kha chuan kan han share pui pha kher lovanga. A tak hmuhpuite hi chuanin mak an ti a ni. Kan Mizo zia leh kan Sorkar la tet tham leh la naupan ang hu si a hetiang anga han dapchhuak chaka hi mak an ti thin a ni a hmuna han kal hian. Chuvang chuanin MLA rualte pawhin la han tlawh nghe nghe ila ka ti a. Heng ang zawn zawn a hi wawin ni ah erawh chuan hei mualpho lovin nidanga kan sawi tawh han repeat leh ilangin. Bawngpui hnute theka ang deuh a ni a, kan tih, Assam atanga kan lakchhawn a ni a, khulala buaia titawp mai, bawngpui pawh Seni a lo haw loh chuan then-awnte rawn theka theih loh ang deuh mai hi a ni a. Chu chu kan dinhmunah tupawhin kan pha in ka ring lova. Chung zawn zawn tikiang thei tur chuan heng Tuivai kan tih te, Serlui 'B' kan tih te, Tuirial Hydel Project kan han tihte, heng ang zawn zawn hi tunah Sorkar hian a valh reng mai a ni. Chu chu Sorkar lokal zel tur hianin a chhui chho ang a. Thang leh tharte pawh hianin an hmuhphak chuan a lawmawm ang a. Thil tha reng reng hi chu a hun laia mi duh ang hian an phal lem lo a ni. Hun lokal zel tur atana tih a ni a. Chu chu Constructive programme khatiang kal chho zel kha niin.

Pali na ah khan han kai leh dawn ila. Chulalah chuan helama "I am happy to state that the law and order situation in Mizoram continues remained peaceful" atih kha, a ropui hle in ka hria. Mihring hi an duh ang leh mal-sawm ang deuh hian Pathian pawh hian a hruai em ni chu aw ! tih theih turin he Congress hi remna duh tu lo niin, tunhma pawhin seat dup han thut te leh Car vel leh eng eng emaw a ch chhut tehlu nen, khami kiansan dawrh khawpa remna duha lo tawhsawm tawh kha niin, chu chu hun lokal zelah hei a lawm-awm hle in ka hria.

Sawlah kan Hmar unaute pawhin an lung awi lohna eng eng emaw an sawi a, chu remna siam tlein tunh hian ke an pen chho zel a, Amaherawh chu thenkhat ten thil a lo tih tawh theih-nghilha ataka thleng pha lo ang a ti ni awm taka, campaign na atan in hman a niang a han tih a hi chu a ninawm lam chu niin ka hria. An rahah in hmu mai ang tih ang deuh khan hun kal tawhah he Ministry rah hi chhuilet theih niin ka hria a. Chuvang chuan kan Governor thusawi hi a lawmawm in ka hria a. Hei top priority to rural electrification an tia. Zo-khaw lam tan phei chuan top priority duhsakna, hmalakna hmasa ber tura Governor hialin an sawi chu, Zokhaw lam unaute chu an hma lam a eng zel niin a hria a, a lawmawm hle in ka hria a. Hengah te hian khawpua mite niin Zokhaw lam unau ten lawmthu sawi an ba in, a bik takin thingtlang lam bialtu phei chuan kan lawm e tih mai loh chu sawi hmabak awmin ka hre lo, Pu Dy. Speaker, hun min pek avangin ka lawm e.

PU ANDREW LALHERLIANA : Pu Dy. Speaker, hun min pek avangin ka lawm e.

Hei, vawlin ni-ah hian kan Governor thar thusawi kan discussed a, helaiiah hun tha tak ka nei a, ka lawm hle a. A tlangpuin kan en zar zar a, a thu hi a tluang viauin ka hria a. Amaherawhchu, Governor thar te a nihna kawngah hian information hi a hmu chianguang lo emaw ni chu aw tih ngaihdan ka nei deuh va. Helaiiah hian hetiang hian a ziak a. "We are pursuing the proposals for construction of a modern airport at Lengpui" tih te khan a ziak ani. Hei hi thil la awm chho zel tur, hlawhtling anga sawina deuh hlek niin a lang a. Amaherawhchu, ka hriatsual loh chuan kan Chief Minister khan a theih tawp zu chhuahna ah khan a failed tawh niin ka hria a ni. Chanchinby-ah te pawh kan hmu a, Lengpui Airfield chungchang thu-ah hian kan Chief Minister hi a failed a, technical clearance te, technical approval te a hmu thei lova; tin, N.E.C. ah te pawh crore 3 lai pawisa a lo earmark tur te pawh kha zu hmu thei ta lo khan a failed nih ka hria a ni. Amaherawhchu, helaiiah hian kan Governor hhenah information hi an lo pe chianguang lo a ni ang chu, hlawhtling chho zel, bawhzui zel anga sawi hi information pe dik lo tute ka thiam lo a ni. Tin, kan Chief Minister pawh a dik tak chuan hetiang a sawi hi a timualpho zawk emaw ni chu aw ka ti zawk mah mah a. A sawi zawk awm tak chu hetiang a failed si ah hian engvangin nge hetiang Central Sorkar hian Mizoram hi a rawn neglect tiin, Tribal pui a nihna ah pawh theihtawp ka chhuah ang ti se chuan ka la ngaithiam a ni. Chuvangin a failed na hi rawn ti lang selangin, engvanga failed nge tih erawh hi chu sawi tur pawh a tam viau mai thei a ni. Khulaiiah khuan a siamna hmun turah khuan compensation te kan lo um nasat lutuk vang te a ni ang em? Tu te emaw ramte kan lo lei leh vak vak a, sum leh pai siamnan kan hman tumna hi a lo hmuhlawk avangin, khulamgpang atangin clearance min pe lo em maw ni chu aw ti te pawhin a ngaihtuah tham tak a ni. Chumi avang chuan helaiiah hian kan Governor hian information dik lo an lo pek avang hian thudik lo a sawiah ka ngai a ni.

Chu lo lebah chuan kan Governor hianin information hi a lak dan hi tlemin a zuk hai thuk lo deuh niin a lang a ni. Helaiiah pawh hian thil tha tak tak a rawn sawi teh mai a, entir nan kan hotu thenkhat ten an sawi tawh, Hydro-Electricity chungchang thu a Project lian pui pui mai a rawn mentioned a. Tuirial chungchang thu te, Tuivai Hydel Project investigation kal chungchang thu te leh Chhimtuipui te, mipui ten an chhiar a, thil lian tham tak, ropui tak lian tham tak tak, state tana rolling bawhzui ni awm taka lang hian a rawn sawi a ni.

Amaherawhchu, hei High Light in the performance tih leh programme tih kan Finance Minister in a rawn present ve thungah erawh kha chuan 1993-94 ah hian thil lian tham reng reng beihba tur pawisa hman turah hian engmah kan earmark na a nei si lo. Nuaih zahnih leh sawm riat leh nuaih sangnih leh zariat leh sawm li leh paruk pawisa hman turah hian khatiang project lian lampanga hmalakna reng reng ni lo hian a te deuh, han chhiarchhuak mai ila. "For 1993-94 the Plan out lay for rupees two

thousand eight hundred forty six lakhs is proposed the completion of Maicham Mini Hydel Project and for completion of Teirei, Tuipangpui Mini Hydel Project, Serlui 'B' and others. The reuh te te hlir Sorkarin hmalak tur a inchhawp lain kan Governor a sawi tir ve thung erawh hi chu MW 60 a te ber MW 210 investigation chungchang thu hma an lakna a sawi daih mai a ni. Hma Chiang taka Sorkar hian a lak tur ni tak tak se chuan investigation zawh vek, Bairabi te khu engatinge hma a lak loh? Investigation zawh diam Project lian a awm. Khutianga hma la si lo hian lian pui pui rawn sawi in, 210 te, khatiang lian pui pui te kha kan bei mek tiin mipui vuak thluk nan te kan hmang mai a ni lo maw. Chuvang chuan clearance hmuh chhun pawh kan bawhzui duh loh lain engatinge lian pui pui khatiang kan tih? Helaiiah hian Governor hi han sawi ta ila, kan Governor a inocent ang reng khawp mai, ani chuan huai takin Mizoram tana tha turin a sawi pawp pawp mai a ni. Amaherawhchu, keimahni State tena kan hmalak dan tur kan chhawp, keimahni ngeiin a a present a pawh hian engmah a tel silo. Engatinge ni a, Kan sawi tir? Kan Governor hi a thar a, a inocent hle, amaherawhchu, hei hi a tawpah, a chhuah dawh a mual-pho thei ang tih a hlauhawm a ni. Engatinge hman a thil sawi te kha engmah anih tak si loh? tiin an chhuizui ang tih hi a hlauhawm a ni. Chuvang chuan helaiiah hian a speech siam sak tute hian lo ngaihthlak sak rawh u, an mislead a ni. Chuvang chuan Budget ah te kan hmalak turah leh pawisa kan earmark na reng reng loh hi an sawi tir a. Mizo mipuite chuan kan ngaihndan chuan Project lian pui pui chu kan duh, Bairabi Hydel Project pawh theihtawpin Pu Laldenga te pawh khan an nawr a ni. Khami anih avang khanin helaiiah hianin kan Governor hi an mislead niin ka hria a ni.

Tin, Tuikhuah, chutianga sawi takah chuan tun kan Sorkar hian tui a khuap tlak ange maw le sawi ta chiah ila. Sorkar hna engkim mai hi a leak a, tui pawh hi khuap se, a leak mai lo maw. Power siam thei lovin a leak mai in ka ring a ni. Tin, kan Sorkar project han en reng reng hian te reuh te te ho an hawn tawh te khi Champhai bula Mini-Hydel Project an hawn te pawh khi a hawn niin a eng set set ringawt a, a thi zel a, chuvang chuan a te chi hi bawhzui tlak a ni lo a ni tih hi mipui pawhin an hriat dan a ni.

Champhai ah han kal ula, Mini Hydel Project an hawn khi, a hawn ni a de set set bak chu vawin ni thleng hian a en tak lohah hian hetiang te hi chu bawhzui tlak loh, alian hi bawhzui tur niawm tak si hian tuna kan budget a te bawh Sorkarin a ti hi enge ni a chhan? A chhan zawh chu khitiangah khian Contract sem a rem mai mai a ni. A awmia takah chuan. A lian hi chu vai pek a ngai thin a, hetiang te reuh te te Mizovin kan tih ve theih nuaih 100 nuaih 50 vel lek lek tih theih awm china khi kan tihna chhan hi Contract keimahni duhsak mi te tun lai tawng takah Sorkara thil ti thei deuh te, heng ho tena an hmuh theih tur ang chi Contract khu duh vangin hetiang project lak tlak loh eng leh lo tur khi kan bawhzui mai mai niin a lang tlat a ni. Chumi anih avang chuanin Sorkar hian a hmalak dan tur a chhawpah hian hei hi Governor sawi tir mai selangin a tha awm e.

Tin, han sawi leh ta ila, hei sorkar hmalak dan turah hian ti hianati ta a ni. I am hopeful that we will take full advantage of the incentives offered by the union budget to give a further fillup to the development of software and electronic projects in the state ati a.

He laiah pawh hianin a lawmawm viauin a lang a. Amaherawh chu electronic lampang te Central in a a rawn in dues ni awm taka electronic development chung chang thu a rawn sawi hi he lama kan hmalak dan pena in ang lo a ni. Zenics kan dinte hi han chhut ta ila Electronics development lampang hi hma i la em ti ila an lak loh zia kan hria a, engnge an tih kan tih chuanin Motor an lei thuh teuh mai a ni. Corporation thar te si heti khawpa motor ngah tawh hi an budget zawng zawng hi an hmang emaw chu aw tih theihin a lang tlat a ni. Tin, pakhat lehah chuan electronic development zawk aini an kal tuina hi a huau huau lampang leh a enjoyment lampang ah hian an kal niin a lang tlat mai a ni.

Zenics hian engnge a tih kan tih chuan CNN te an pawt a. CNN hna a nih kha an distribute mai mai, hei hi electronic development a ni miah lo. Chuvang chuan in helai velah hianin hopefull tak beiseina awm tak mai a kan Governorin a sawi rual hian helai kan sorkar hmalak na hi an en chian hian Governor speech nen hian a in saikalh lutuk avang hian kan Governor hian ngeatinge nupui a tih theih loh tiin a tih theih loh tur chiah hi a promise tir tihhi vawiin niah hian question lian tak niin ka hria a.

He lai kan Governor innocent tak mai in tlem te la awm si. hetiang kan sawi tir hi makin lawk ah mipuite la ti beidawng tu anihna kawngah hian ka khawngah ngawt a ni. Kha kha ka sawi theih tawh ni mai se, ka lawm e.

PU R.ROMAWIA : Pu Deputy Speaker, hun min pek avangin ka lawm e.

Hei vawiin niah thu pawimawh tak kan sawi a, a lawmawm hla a, hetiang hun han neih te hi a khat a. Ka han sawi duh erawh chu helai hian thil lawmawm tak anga a rawn tarlan hi the able leadership of the Chief Minister has resulted in the initiation of a number of constructive programmes tih ah hian programme, thil tha tak tak mai chhiar sen rual loh ah hmasawn na kawng a rawn thlen e tih a hi. Kei ka ngaihdan chuan constructive programme lampangah min hrui niin ka hre lova, destructive programme lamah hianin chak tak in min hrui niin ka hria a. Chutah chuanin initiation bul tanna pawh a lo kal hle niin ka hria a. Mizo Fate Mizo anga dak ve ara Mizo anga kan awm a, ram neitu kan nih a ram tana kan tih tur ang pawh hi tuna kan hotupa min hrui hna hna hna hian kan tlin lo chho ta zel niin ka hria a. Zirlai zawng zawng ten thahnemngai taka an zira Mizoram mipuite intodelh lo tak kan ni chung a thiamna lam zawka tan a, tan lakna tur kan State Quota ngei pawh Mizo fa in a chan lohna lamah te hian initiative an la ta niin ka hria a.

Tin, chu chauh pawh chu ni lovin Mizo hnahtlak te ngei mai thlavang chauhva te pawh awm ta lovin khuti laia Marpara bulah te pawh, kan thisen zawmpui,

kan sakhaw zawmpui ngei te pawh engah maha thlavang hauhva pawh awm lovin, chutah chuan kan rama mikhual leh mi pem mai mai zawk te duhsakin pawisa sang tam tak an vawm thla leh zawk a. Chungah te chuanin bul tanna initiative la a, a hma a Sorkarna changtu ten an tih duh reng reng loh kan ti chho niin ka hria a, a lungchhiat thlak in ka hria a.

Tin, ram lei lama competition ah hian Ministry hrang hrang hian ti ta ila, kan rama Ministry dingah hian tuna kan Sorkar tluk a ram leina atana pawisa hmang tam hi a awm ka ring lova, chuvangin ram lei lamah hian initiative an la tak meuh in ka hre bawk a.

Tin, chu lovah chuan sundawna lam thil reng reng kan rama thil lian tham, khawl lian tham kan bunna turah emaw, contract lian thamah emaw a leilung fate ni lova, mi dang zawk te duhsak a supplier, contract ah te, hetiang zawng zawng ah hian kan hma a Sorkarna ding tawh zawng zawng ai khan tuna kan Sorkar hian hma a la nasa in ka hria a. Lunglei Greater Water Supply chungchang te chu sawi fo a ni a, sawi nawn pawh ka tum lova, chu lo department hrang hranga khawl lian tham leh thil reng reng ah Mizo fa tena hlawkna kan chang pha ta lovin, chutah chuan tu hming hawhin emaw hnam dang mi hian supply lam thil reng reng te contract lian te an chang ta zel niin ka hria a. Heng lamah hian kan able leader hian kan ram, hman hrui naah hma a la ta zel niin ka hria a.

Tin, tun tum Sorkarna ang reng reng in kan ramah pawisa van hi a awm lova, kan budget a pung tual tual a, kan ram mipuite retheihna khur thukah kan dah a, hei hi heti lamah hian tun Sorkar hi destructive programme hmalak zingah a tel bawk tiin ka hria a. Tin, vawkte sem te, rangva sem te, Cooker sem te hi tu Sorkar mah ina an tih ngai loh, hetiang taka politics khelhna atana an hman ngai loh te vawkte semah khawvel ram hmasawna teh a ni lo tih kan hre reng chung si a, Cooker sem te khawvel ram hmasawn tehna a ni lo tih kan hre reng chung si a hetiang lampang a mipui pawisa emaw, budget hetiang zawng a a rehru a hohai zawng anga zuk hmanna ah hian tuma kan hrui hianin kan Sorkarna hianin initiative a la bawkin ka hria a. Destructive programme a ni bawkin ka hria a.

Tin, mirethei leh mi hausa kar kak hi a lo zau sawt ta em em. Pi leh pu a Mizo kan hnam te feh kawng khat lo gawh dial dial thin kha vawin ni ah chuan he kan Sorkarin kum nga (5) meuh min han hrui takah chuan kan Mizo fate ngei pawh hi inbe ngam lo lek lek in kan karah daidanna a lo awm ta a. Thenkhat chuan in eng pawh, motor pawh kan kuhva khawr lei mai mai a, video leh thil engkim pawh an kuhva khawr lei mai mai theih lain kan mipui tam ber te chu Ration lakna pawh hmu pha tawh lovin, thuamnaw hak thlak pawh nei lovin an awm a. Hei hi Sorkarin mawh a phur lo thei lovin ka hria a, mirethei leh mi hausa kar tieh kak zau lamah hian tuma kan Sorkar hian bul a tum, initiative part a la in ka hria a ni.

Tin, chu chauh pawh ni lovin, hei Power lam te pawh kan sawi a. Khaw zasarih sawmnhih pakhat (721) zingah khaw zanga sawmpasarih (517) hrui pawh tih te

a ni a. Engvangin nge power kan duhna ber eng atan a ni, a hrui pawh thlen eng awm silo hi a hlutna engnge awm? Chuvang chuanin hrui pawh thlen ringawt, eng awm silo hi kan ramah vawin niah kan buaipui ber a ni. Ka bialah te pawh kan buaipui ber a ni, a man chawi kha a pangngai reng si, an rawn bill tawk tawk reng tho si a, chuvang chuanin kan Sorkar na te tui na te hi a hrui supply contract ah te, a ban supply leh a ban zawn hna ah te kan tui a, a eng pek tak tak a, current lak luh lamah kan tui si lova, chuvangin a hrui zam contract laiah te, zam tam nih duhna laiah te, a ban supply contract ah te kan tui tlat alawm. Chuvangin engah te tui tak tak ila, current ah te tui ila, engahnge hetitaka kan harsat ang. Current ah kan tui lova, a contract lamah kan tui tlat a ni.

Chuvang chuanin kan Airport te pawh a airport ah kan tui lova, a compensation laiah kan tui tlat zel a, kan tuikhuah te pawh kan tui lova, a compensation laiah kan tui tlat zel a, mual let liam a mi pawh chim tir talh kan tum zel a, compensation kan duh avangin. Chuvang chuanin Airfield kan nei thei lova, power kan nei thei lo ni hian ka hre thia a, heng ang Kawngah hian kan hrui tui thil ti thei takin heti lamah hian chak takin min hrui niin ka hria a ni.

Tin, hei, ka saptawng thiam loh vang nge kan hlat tawh tawh dawn zawk ka ti a. Heti laia Jan 4 a Governor zahawm tak thusawiah khan Serlui 'B' MW Hydel Project chungchangah khan have been started a ti a. Amaherawhchu hei March ni 12 kan han thlang chu is being started ah kan tlahniam leh ta a, kan hnungtawh ta in ka hria a. Is being started hi chu have been ai chuan a tharlam deuhvin ka hria a. Chuvangin kan lo la khuap tan reng reng lo a ni tih hi ka lehlid dan a ni. January ni 5 ah have been started a nih a, March a is being started anih chuan October ah chuan will be stated in kan kal mai awm e ka ti a. Chuti anih chuanin kan intodelh har awm mang e ka ti a.

Tin, heti laiah hianin phek thum (3) na ah hianin Civil Aviation Ministry chu kan thlem dawn e tih a ni a. We also propose to persuade the Civil Aviation Ministry. A, a persuasion, a zu ngen dan, a zu persuade dan tur apawh kha kan propose chauh a ni ta mai a ni. Approve loh leh nghalah, kan han propose chho ta a, proposal a han kal dawn ta a, persuade dan tur khatah chuanin an han proposed a, tute emaw approval kha an ngai leh ang a, Cabinet approved nge ngai chho dawn, CLP approval nge ngai dawn a Executive approval nge, khatah khanin approval min han pekah khanin approval mai han pekah khanin persuasion kha kan han tan dawn ni awm tak a ni. Chuvang chuanin thlawh na tum hmun te kan nei har awm e ka ti deuh a. Chuvangin Pu Dy. Speaker, he kan Governor thusawiah hian lawmthu han sawina tur tlak em em hi ka hre lo a ni.

PU VANLALNGHAKA

: Clarification tawi te, Vawkte sem tih kha kan duh lo viau niin a lang a. Amaherawhchu, Minister ka nih lai khan opposition member te pawh ka sem tir vek, an sem tho. Tin, tui pawh domestic connection kha panga theuh pek theihna kan pe a, chu pawh chu an sawisel mai mai a ni.

DEPUTY SPEAKER : Pu Saikapthianga

PU SAIKAPTHIANGA : Pu Deputy Speaker, ka lawm e.
MINISTER : Kan Governor zahawm tak thusawi
kan sawi hova, a bu-ah kan cheng
tlem viau a, chuvang chuan kei pawh a general deuh a han
sawi ve mai mai a tha in ka hria a.

Tute pawh hi kan hun lai nei vek
tawh kan ni a, kan hun lai kha thlirlet ve fo a thain ka
hria a. Kan hun lai leh vawlin niah hian khawiah nge hma-
sawna awm tih chu a hre tu kan ni ang a, kan hre lo der a
nih chuan thu hran a ni.

Amaherawh chu, hmasawna chi eng
tikah mah kan duhthusam hi chu niin ka ring lova. Mizo
mipui hian hma kan sawn a ni kawng tinrengah tih hi chu
chiang takin kan hriat a ni. Member zahawm tak pakhatin
MNF ai chuan Congress chu in tha deuh a, intawlh hrut e
vai ai chuan a ti a. Tawlh hrut kha vai ai tha kan nih
chuan tawlh duh hauh lo kha eng tluk nge an nih ang aw tih
kha kei ka zu chhut let ve mai mai a.

Kan MNF hotute hun rei tak Delhi
a an cham tawh a, tawlh duh hlek lo, Opposition MLA pawh
MLA reng reng in a khatih laia Guard Security kan neih phah
vekna chnan te pawh kha vawlin ni ah hian kan chhut let ve
tha in ka hria a. Kan tawlh nasa emaw nasa lo lam emaw kha
chu thudang nise, Mizoram mipui zawng zawng ina remna leh
muanna kan aupui lai khan a lo thlen theihna tur khan chhuk
emaw tawlh emaw kha chu kan hman dan kha a hrang mai thei
a. Ngaihdan hrang neia thut dan hrang, hming pawh hrang kan
nih avangin.

Amaherawhchu, Mizovin a kan mamawh
Mizo mipui ina kan nghah fak kha chu a thleng tlat a ni.
Khatih hma Sorkar khan engnge kan tih ve tih kha ngaihtuah
ila tha in ka hria a.

Tin, Member zahawm takin Lengpui
Airfield chungchangah kan Chief Minister zahawm tak kha a
hlawhchham a ti a. Bei mek kan la ni a, a hlawhtlinna tak
kan la thleng lo anih pawhin tu Chief Minister nge hlawh-
tling tawh le. Chuvang chuan thil kha akal chho zel a, duh
ang chuan hma kan sawn lo anih pawhin vawlin ni a kan Chief
Minister ina engmah ti thei ta lo anga ngaihdawn anih chuan
Chief Minister dang te pawh hian an ti thei bik lova. Chu-
vang chuan kan Chief Minister pawh hian a la thei bik lova,
tih kha kei ka lo in nghahna a ni mai a. Chutiang zel chuan
Vawkte sem te pawh hi kan han ti a, kan in ngaihtuah chian
chuan a sem hmasa tu Sorkar kha kan awm ania. Hei hi thil
tha tak kan hotupa a awm tawh love. Vawlin niah han sawl-
chhuah kher pawh tha in ka hre lo nechungin a fiah theih nan
khami programme Jhum Controll Programme a va hawn ni a kan
hotupa thusawiah khan khawvel chanchin ziak tu te tana chhin-
chhiah tling programme a ni a ti a ni. Chu chu keini pawh
hian kan chhuzawm a ni. (Member te an lo tawng nuaih nuaih
a) Nia, kan enchhin ve zel a lawm, tuna kan Sorkar hian a
hlawhtling lo anih chuan Sorkar lehah chuan a dangah pawh kan
la kal mai ang. Mahse vawlin ni-ah hian a hlawhchhamna kan
la hmu lo reng reng a ni. (Member te an lo bengchheng hle)

Ngawi rawh, Pu Dy. Speaker, Aizawl atang hian thingtlang hi kan va beng dawt dawt mai a, kan va tum sawk sawk mai an in hre ve a ni. Thingtlang hian an in hre em em mai. Thingtlangah hian pawisa a tam leh tam joh pawh an hria. An harsat leh sat loh pawh kan thingtlang miten an hria. Kei nin helaia House-ah inbeihnan thingtlang kha harsa em em ta a kan zu hmu hi an hria a ni. An hlim tlat,

Tin, Dan leh thupek chungchang ah pawh kan zirlai te chungchang te kan han saw, a dik khawp mai, hun a harsa. MBBS zir chungchangah te pawh anih leh kan Sorkar nge Mizo vek thlang, P.C. an Sorkar tawh, MNF unaute pawh an sorkar tawh, khatih lai Khan Mizo vek an thlang bik reng reng lo, list kha a la awm vek mai. Amaherawhchu, thangthar te lo harthar zel leh hun in a min tawng ang zel hian boruak kan tawng mai a ni. Vawlin niah hian zirlaite leh Sorkar te in siksawi dan kan sawi ania maw. P.C. hun laia Sorkar leh zirlai in siksawi dan te kha vawlin niah hian sawi ta vek ila, khatih laia a mawphur tu ti mai ila, an in siksawina chhan zawng zawng te kha vawlin niah hian kan la awm vek alawm. Amaherawhchu, harsatna kan tawng lo ka ti lo. Harsatna chu kan tawng, theihtawp kan chhuah vek, chuvang chuan te ten saw theihtawp chhuah ta lo reng reng anga in sawi kha a dik bik love tih ka zu sawi fiah duhna a ni. Thahnem hi kan ngai vek niin ka hria, tu Sorkar pawh hian. Amaherawhchu dupthu tumahin kan thlang zo lo rih a ni. Electric eng te pawh Bairabi Hydel Project te pawh kan ruhi chilh tlat Mizo mipui te pawhin, P.C. Sorkar lai Khan ropui berah kan ngai nge ni an tih chin chu vawlin ni-ah opposition lama thu kan Minister te khan in hria a lawm, kan hotu hlun kalta zahawm tak khan enge ni a rawn bawhzui kha. P.C. kha an beidawng thak zawk a ni.

Survey ah khan per unit ah a to lutuk avangin an kalpui thei hlek tawh lo. Chutah chuan Pu Laldenga a lo sorkar a (Member te an lo tawng nuai nuai a) A ni.... an kal thei miah lo. Pu Laldenga'n Multipurpose Hydel Project in a rawn tan a, chutah chuan anih kha kan hre ve a ni, thil hi in sawi ang ringawt a ni bik lo. Pu Laldengan Multi purpose Project angin let ila, a chhunga mipui awm ten ei leh bar zawn nan an rawn hmang thei nghal ang a, chutah chuan a unit man a lo tlawn ang a, tiin Pu Dengan tha takin a rawn rawt chhuak a, chu chu kan la bawhzui zel kan hotute hian. Chumi chungchangah chuan Forest lamah te khatianga harsatna a awm chhuag chuan a nihna kan thlang thei lo chauh a ni. In tih hun khan Pu Dengan thui tak a tizui, chu chu thudik a ni, kan chhui zui alawm. Chhuihzui lo a min puh tlat bik in chhuihzui kan sawhang hian kan chhuihzui kha sawi ve ta che u, kha kha thudik tak ani. Thudik awm sa hi hel hel tur a hi bik lo.

Tichuan vawlin ni-ah te pawh ei leh bara kan intodelh loh kan hria, buh thar tam te pawh kan in ringhlel lek lek mai, Agriculture Department. Hmanah ka sawi tawh, kan thar a ni kan ti miah lo. Amaherawhchu harsatna atangte pawhin hnam hi a dingchhuak thin. Chumi avang chuan mipui kan lo harh ta a. Tichuan kan Central K.T.P. te, Y.M.A. te leh pawl hrang hrang hruaitu te pawhin intodelhna lam atan hma kan la a, vawlin ni-ah pawh kan hlawhtling. Duh ang chu a la ni chuang lo. Amah-

erawhchu, heng te pawh hi House-ah hian kan ringhlel mai a ni. Mahni khua leh mahni bialah kan ringhlel lo, kan thar kan tih hi a hre tu vek kan ni.

Chutah chuan zawhna tam tak a lo la kal dawn a, Fertilizer chungchangah te pawh kan duh ang in kan tih theih loh chin tam tak a awm. Chuvang chuan kan hmasawna hi a nasa hle a ni. Electric te pawh a dik tak chuan hman ai chuan a tha alawm. Vawin ni-ah hian thing-tlang leh hmun hrang hrang a a hruizam te kan han sawisel a hrui avanga eiru tur hrim hrim a mipui-ah inzirtir kan tum a ni lo. A hrui chi kan zam lohvin khawiah nge kan chhit ngawt bik ang. Chuvang chuan department in hma a sawn dawn chuan, khawiah emaw hma lo la lakna tur chu a awm a ni.

Tin, kan Budget-ah Electric hmun lian pui pui dinna tur a awm lo kan ti, budget ah hian chung chu a leng thei ngai lo reng reng. Bairabi Hydel Project ani emaw, Tuirial a ni emaw, Lengpui Air Field a ni emaw, keimahni budget tlem te helaia kan in rawlh leh na tur atan chuan engtikah mah, tute pawh hi Sorkar ila, kan khuap dawn lo reng reng. Chuvang chuan kan Governor zahawm takin a a rawn sawi leh kan Finance Minister zahawm takin budget a a rawn pharh kha tihsual tehchiam na tur a awm ve tlat a ni. Chuvang chuan vawin ni-ah hian helai hi electric project lian pui pui dinna tur a awm lo kan ti. Budget ah hian chung chu a leng thei ngai lo reng reng. Bairabi Hydel Project a ni emaw, Tuirial a ni emaw, Lengpui Airfield a ni emaw keimahni Budget tlemte helaia kan inrelbawlna tur atan chuan engtikahmah tupawh hi lo Sorkar ila kan khuap dawn lo reng reng. Chuvangin kan Governor zahawm takina helaia a rawn sawi leh kan Finance Minister zahawm takin a Budget a a rawn pharh kha sawi pawh chi tehchiam pawh anih lohna lai kha a awm ve tlat a ni. Chuvang chuan vawin ni-ah hian kan Finance Minister speech ah kan lut lova, kan la sawi ho lova. Vawin ni-ah hian kan Governor zahawm takina a rawn address na kha kan la sawi ho ani. Keimahni Budget atang hian Bairabi Hydel Project te khuap dawn teh i, tupawh Sorkar ila, kan khuap lo reng reng ang. Chuvang chuan mipui tena an ngaihdan a engemaw ni zawnga tuh ang zawnga kan sawi hi keimahni leh keimahni hi kan intimualpho fo a niin ka hria a. Chuvang chuan vawin nia kan Governor ina a rawn sawi hi a tlangpui hle nachungin a rawn funkhawm lian hle in ka hria a. Keimahni kal tawh ina kan awm laia kan tihthe kha thlirlet a tha in ka hria a.

Hei, vawkte-ah hian Session zawng zawng hi kan cheng chho ta niin ka hria. Mipui hian an hre tawh. Vawkte sawichhiat avanga Congress Ministry hi tla tur nise, kan tla ngei ngei dawn, chuti khawp chuan Opposition ho hian in sawi hneh tawh. Mahse, a la thawk nasa lo aniang tih ka ring. A la thawk nasa lo ni a ka rin dan chuan hman a MLA 14 General Election a tling, hmun tin deuh thaw a Congress dawttu leh MLA pakhat nei Bial hnih vela Congress dawttu kha tan khawm a mi beih rawn an tum tlat avang hian vawkte hian kori ala tu tehchiam lo aniang e tih kha tawi te in kan sawi ve duh a hi e.

PU RUALCHHINA

: Pu Dy. Speaker, hun min pek avangin ka lawn e. Vawiin ni-ah hian hei kan Governor speech sawi hone chungchang hian awl mai pawh kan tum deuh rum rum a. Amaherach-chu loh theih loh in min kar ve deuh hlekin ka hria a, chuvangin tlem a zawng helai chungchang thu-ah hian han sawi ve ka duh a.

Kan hriat tawh ang khan tukin lamah te pawh kan ngaihthlak tawh ang khanin kan budget presenta-tion leh thil kaldan phung inkalh te kha kan hmu a. Khatok khan leakage a awm a, member nih pawh a nuam lo rum rum kan ti anih kha. Tin, a Minister concern phei chu banna khawp a ni lo naw tih rum rum anih kha. Khatiang khan kan Session pawh leakage atangin kan han tan a. Chu chauh chu a ni love, Matric zawhna lo leak ta a kha Minister pawh a pha tlat a, "A leak lo" tia tang tlat in Mizoram mipui min han bum phawt a, a tawpah a lo leak tak tak si a, leak satliah mai pawh nilovin Examination te pawh cancelled vek a ni tih te pawh kan hria a. Pakil kar atang pawhin mahni mawl ang angin kan zak veng veng mai anih hlawn kha. Kan la zak zel dawn ni pawhin kei ka la hre lehngal a. Hei hian nghawng a la nei thui dawn khawpin ka hria, tunah hian khatiang anga kan ram a thil a thlen chuan nakin passed tha fu fu pawh, makk tha fu fu pawh lo chhuak ta ni ang ila, miten min ringhlel lek lawh ang a, a then chu Delhi, Bombay, Madras ah te College kal kan duh ang. Chung hunah chuan "Khawh ram atangin nge i lo kal" an han ti ang a, "Mizoram atangin" kan tih chuan "E" an ti ang a, an hrethiam ngal mai dawn a ni. Chutah chuan an zak tha leh thin dawn a ni. Vawina kan zahna tawh kha, hei hi kan hmu pha lovin ka hria. Kan la zak, kan la zak dawn tlat. Engatinge hei hi kan ngaih pawimawh loh ka ti a ni. Chutiang chuan kan sum leh pai kan pharhna thu ah pawh a Minister in a pharh hma hma in kan inpharh khum vol niin ka hria a. Chutianga secret a ni love, confidential a nilove kan ti anih phei chuan a bu zawng zawng te pawh hi tlangzarth vek law law sela, Budget Session pawh awm lo se a ni mai alawn. Finance Minister pawhin pharh lo law law sela, tlangzarth vek ila, tute pawhin hre vek ila chai luai luai ila ani mai alawn, Block level ah te pawh. Chu chu nimai zawk awm a ni. Chuvangin kha kha engatinge kan ngaih pawimawh loh ka tia, mak ka ti hle a ni.

Tin, hman deuh 1991 MCS Exam na a zawhna leak tih pawh kha vawiin ni thlenga kan la zahna leh kan la sawi fo na chhan chu rilru ah hian a cham reng a. Kha kha kan Sor- kar awzia a ni tih kan zuk ngaihtuah chhuah apingin kan zak thar leh thin a ni. Chuvangin, tuna kan Sorkar pawh hian ka hmuh dan chian chuan "Zahna kawnah" min kruai lut diah diah niin ka hria. A pawl ka ti em em mai.

Tin, chubakah chuan engnge kan rama thil thleng tih chuan "BO" atam em em mai a. Merpara a kan Mizo unau te pahnih an khuangcher bo tawp mai a, zawn hleihtheih loh khawpin kan Sorkar in hma a la tlat a, chubakah tunah hian in helai Hunthar maiah hian Thanghleia chu tun February 26 atanga Aizawl chhuahsan kha a awmna chin hriat lohvin ala bo a ni. Chungte chu kan ngaihtuah khawma, a dang pawh a la awm ta ve ang. Mahse, example atan chauh kan la chhuak

ang a, khang te pawh kha engvang a bo nge maw kan nih bik le tih te pawh ka ngaihtuah thin a ni. Engpawh nise he kan Sorkar hian "Bona ramah" min hruai lut a ni lawm ni tih te pawh hi ka ngaihtuah chhuak a ni. Chutiang chu ania, Bona rama min hruai luh miau chuan kan bo vek dawn tihna ania sin. Chuvangin, engnge ni helai development hian sawi awmzia a neih ang. Bo na rama in hruai luh anih rau rau chuan development sawi tur pawh a awm tawh reng reng hleinem, kan bo zo vek ani mai. Chu chu a awmzia a ni. Khatieng khan leakage a tam lutuk a, bo te a tam a. Kha kha sawi sen pawh ani tawh lova, a ngaihna kan hre tawh lova ni. Sawisel ngaihna pawh kan hre bawk tawh lo a ni. M.E.School Headmaster pakhat chuan a School naupang pakhat Buka an ti a, chu chu sual hi a ti khawp a, hauh ngaihna a hre tawh lova, hrem ngaihna a hre tawh bawk silova, a tawp ah chuan Buka chu a sual em mai. "Lalropuia" ni awm ani ati ringawt mai ani. Chuvangin leakage a tam lutuk a, bo te a tam lutuk a, sawisel tur aram pawh kan re chuang tawh lova, chuvangin, he Sorkar hi "Lalropuia" kan ti ve mai. Sawifiah ngaihna pawh a awm tawh lo. Chu chu kan thlen ani tawh a, Governor speech kan han sawi ho a ni a. Hei a han sawi chhun te hi ka hmuh ve danah chuan a pheh hmasa para hnuaiiah khanin "We are also trying to project our requirements before the Tenth Finance Commission which is to make recommendations of the financial arrangements to meet the requirements of the States for the period 1995-2000". A mak teh daih e, vawiin Budget 1993-94 kan ti si a, '95-2000 tih daih te chu anih in a ni lo reng reng alawm. Chutah pawh chuan a la vague em em lehngal a. I am hopeful that my government would be able to convince the commission, an convinced ve thei mial mahna te ala ti lek a. Khatianga kan ram inghah tir hi engatinge kan phal ang? Chu chu kei ka ngaihdan kha a ni chho ta a ni. Chuvangin, heng te pawh hi han ohhut ula, chhut a tling lo. Lawnthu ka sawi e in ti a, in lawm loh thu ani in rawn sawi zawk ka ti zawk a. In lawm loh lutuk avangin in lawm ta phian zawk emaw ni. Chu chu a ni zawk mah mah a ni. Chuvangin helaiiah hian zuk sawichhuah tur atam tehchiam lo. Capital Project atana Commission Committee in min rawn tlawh tum a 25 crores an recommend e tih te kha ania. "An recommend e" tih ah hian kan ram hi kan inghat dawn em ni? Khang te kha ani mai mai a ni. Kan development sawi te pawh hi a advance lutuk nge, a mumang a rawn sawi zawk em ni? Chu chu ani zawk a ni. Mumang sawi khawm a, ziah khawm ringawt hian kan ram a develop dawn lo a ni. Vawiin ah hian a tak reality kan hmuh a ngai a. Chutah chuan kan awm a tul ka ti zawk ani. Chuvangin hengah hian lawnthu sawina tur kan hre lova. Nichinah member zahawm tak pakhatin Airport chungchang thu a rawn sawiah pawh khan, ani leh tak a, persuasion tura pawh kha an la propose chauh a ni a, tiang kha kan nia, thil kha a vague leh lutuk a. Nichina kan sawi ang deuh kha a ni. Zahna kawnah min hruai lut dem dem a, boralna ramah min hruai lut diah diah mai a. Nakina mumanga suangtuahna te emaw speech ah te kan nei a, House ah te kan inhrilh piap piap ta mai a. Khang kha a constructive te in han ti leh ngal a. A constructive lo reng reng, mumang sawi kha a constructive lo, nakin lama thil kha a constructive reng reng lo. Hei hi kan hriat a pawimawh em em a ni. Chuvang chuanin kan rilru lam lamlet tur a ni. Nichinah NLUP in han sawi a, a tha ve khawp asin a policy kha. Tunah a Block a an han thlon khan MNF emaw Congress emaw JD emaw tu emaw pawh hleih nei lovin a zu fun vek mai a, kha kha chu a tha phian a ni. Kha laiah chuan. Amaherawhchu a that lohna pawh, kan hmuh leh kan hriatah pawh tiang ang hi a ni a. Vawkte reng reng kha

an han supply chhun pawh a thi a, tin, thenkhat chuan supply pawh an dawng thei lova. Chuvang chuanin khawthlanga chuan tunah zet chuan Vawksa ei tur pawh kan nei ta lo. Sa ei a khat ta raih mai an han ti a. Engatinge NLUP Area in ni a, vawk vulh in tam alawm, a pung hluai lawm ni kan ti a. Ngawi teh, a ni mang lo, pung awzawng lo, min pek chhun ha a thi vek a. Tunhma a private vawk pahnih/pathum kan vulh lai khan vawksa kan ei tam zawk daih. Chuvangin khatlang ang kha chuan kan in develop dawn lo tih a hriat a, hei, tih kan hriat a pawimawh em em a ni.

Tin, khawohhak lam kan han thlir phei chuan Bhavan ruakah lehkha lo intar, vawk Bhavan ani ve ber ang chu, Vawk Bhavan ruakah thil lo intar chu, "Vawk te in ruak duh chuan Bhavan lam contact tur a ni e" tih an sawi kha, khangte pawh kha a tak tak kha a lo ni mai a. Kan han verify pawh khan a lo intar ngei mai a ni. Chutiang a chu a reality a kan practice dan pawh a ni a. Nakinah a tak pawh kan la hmu deuh deuh dawn a, a policy pawh hi enganga tih tur nge ni ang tih hi ngaihtuah tham tak niin kei ka hria a.

Tin, hei Governor speech kan han tihah khan kan rama kan tih ngai loh leh kan hriat ngai loh mumang rawn sawi ve phawng phawng mai kan ching ta ani tih turin kan Governor te pawh hi thusawi an chak lutuk nite pawh hian ka hria a. Hei thawt thawt, ni mang hlei lo han chuktuah khawma mumang ni awm tak han phuakhawm ve ngawt mai a kha, lawmthu sawi tur te chuan min la phut ve lehngal emaw ni, a nihin a ni lo reng reng. A development a awm a awm lova nakin lama mumang sawi lawk leh sawi khawl mai mai kha, a rawt nge a rawn sawi duh a, helaia keini kan lo inbakkaih lek lek mai lehngal a, a awm hi kan ti lo nasa khawp a ni. Chuvang chuanin Pu Deputy Speaker, lawmthu sawi na tur vawin niah hian kan nei lova, a lungchhiat thlak em em a ni tih hi i hre tlang ang u tih hi kan sawive duh ani. Ka lawm e.

PU P.C.ZORAMSANGLIANA : Pu Speaker, kan Governor zahawm takina a thusawi chungch ngah hei thusawina hun tha tak mai mih pe a, a lawmawm hlein ka hria a. Governor thusawiah hian thil tlemte anga lang nise, he Sorkar ina kan ram leh hnam tana vision a lo neih thui zia te, member zahawm tak, tuna ka hma lawka miin a rawn sawi atang khan a lang a. Dik takin Mizo te hi romei leh chhimbai mumanga kum 20 chuang zet kha lo inawi lungleng tawh kha kan ni a. He kan ram chhungah mai duhtawk lova romei leh chhimbai mumanga lo awi lunglenna avanga he kan ram chhung ngei ngei pawh tlan/din pel a, hmun hran daihah te pawh lo vak kual tawhte kha kan ni hlawm na a. Chuvang chuanin tuna member zahawm takina mumang a han tehkhinna pawh kha kei ka hrethiam viau mai a. A chhan chu kha mumang ramah khan a lo cheng rei tawh em a. Vawin nia a tak rama kan Sorkarin hma a sawn chhohna hi hriatthiamna neih, mumang rama lo cheng thin te tan chuan a har reng a ni. Chuvang chuan hei Governor ina a thu han sawiah hian a pan hle a, a pan hle huah hian a rawn funkim em emin ka hria a. Kan thutna a dan tak vang ani emaw ti hian sawidan kei pawh fuh a har viau reng a. Governor Address discussion ni na na na a Budget Finance Minister ina a pharh a, performance leh programme a rawn sawite, chung an han chhiarchhuahte ang te

kha a buaithlak ta viau a. He lampanga an thut laite kha chuanin an fak nasat thinzia heng aia anglo pawh kha.

Hei, vawiin niah kan thian thenkhat khat tena an han sawi kan budget a leak a ni e an han tih chungchangte pawh kha, kan proceeding hi member ten kan dawng theuh a, Pu Dy. Speaker, chungah chuan hun lo kal taw a kan lo practice dan tawhte pawh kha - Entirnan : Pu Dy. Speaker, vawiin a i veilama thute ngei pawh an Sorkar lai khan vawiin nia an Leader Finance Minister a nih laite pawh khan 3.3.1988 a pharh dawn khan, khatiang ang kha ni 2 ah khan member ten kan hmu vek reng a ni. Khangte kha tait awm a ni a, vawi tam tak member kan nih hma, tuisik kan ri hmate pawh khan kan pi leh pute pawhina an lo practice dan te, vawiin nia an han aupui nak naka hi thil tul em ni aw ka ti a.

Tin, hemi Governor thusawi kan han sawi laia member pakhatina a sawi "Zu hmuna Thuthiung Thar hrihfhiah anga a han sawi, a rawn tehkhin tua kha eng zawng in nge kan sawi ang aw ka ti a. Zu hmunah Pathian Thuthiung Thar hrihfhiah a ngai a. Chu zu hmunah chuan Isua Krista, Khawvel Chhandamtu chanchin hi hrihfhiah a ngai angin, vawi in ni ah hian a mamawhtute hnenah kan Sorkarin Mizo mipuite a bo a bang awm lova, retheihna khur atanga khaichhuah a tura dan hi hrihfhiah a ngai reng a ni. Chuvangin khata a rawn hrihfhiah khan amah pawh kan hrihfhiah ni nghal sela a tha awm mange aw ka ti a.

Tin, khata a thu sawi ka rilru khawih em em mai a chu he Sorkar leh Kohhran Liah ber Synod indotir anga a han sawichhuakte kha kan Governor thusawi nan hian ava han relevant lo ve aw ka ti a. He Synod hian kan Sorkar a vei lohzia chu Chanchinbu chhiarte chuan kan hria ang a. Chung chuan helai member te hian khawinge tia Bible chang hriat hriatte sawichhuak ringawta he House-ah, chutianga Synod te hming rawn langa Sorkar bei ang a hiala Synod hmingchhe tak maia he House chhunga record a a han awm tura hi chu a pawh hle in ka hria a. Synod tan pawh a pawh in ka ring a, member a sawichhuaktu tan pawh a pawh in ka ring a. Synod hian Sorkar a bei reng reng lova, Sorkar pawh hian Synod a bei lo a ni tih hi chu a hrechiang tute kan niin ka hre tlat a.

Tin, he Governor thusawiah hian kan Chief Minister, kan hotupa, he kan House Leader hruaitu hna thawk tha a rawn tiha hi a rawn sawi chiangkhang thuk tawklaw zawk a niin ka hria a. He kan hotupa ina hna a thawh theih zia hi a ropui zia chu a lang hle in ka hria a. Tunhma zawng en chuan, hetia han sawi hian Pu Speaker, mi rilru kan tih thawh tumna angah, Pu Dy. Speaker, khawngaih takin min lo ngaihsak lo turin ka ngen duh che a. Mmaroha rawt dip a in phul tura kan inzirtir lai te, kawngkhar bula hreipui chhawp tura kan inzirtir laite ang te, chung zawng zawng rehna chu kan Chief Minister dawta an phuina, a dinhmun a kenna hi khawvel pawhin a hriatpui chianga. Award pawh hi a dawng reng a ni. Helai tlangah hian chutin khatin a ni tiin han sawi thin mah ila, khawvel zau zawk hian chu chu an hre em mai a, heng ang chawimawina te, Award tihte hi India Secularity atan te, Sakhuanna avanga lai duhtute hnen a dinhmun a pek avang a, retheite hnenah malsawmna a thlen sak tak avanga he Sorkar hi rigging a ni tia he lai Mizoram a rawl tawp tawp a aupui a High Court a rigging tih pakhat te pawh High Court ah an tilang leh ngam si lova, Sakhuanna avanga an khin mek a hi hengah te hian kan hotupa hian India rama Sakhuanna chi

tin rengte i ti ang, in unauna atana a inpekna te hian hruaitu tling anihna hi a tilang a ni. Chuvangin Governor thu rawn sawi hian he kan Governor thusawi hian a la ti ching bawk love ka ti a ni. Chuvang chuan Pu Dy. Speaker, hei hi kan ngaihtuah chian a pawimawh. Chutah chuanin Mizote kara indaidanna bang hi a rawn thiat ta a, Pu Dy. Speaker, vawiin niah hian hmanah chuan tihah chuan R.T.P. Order an chhuah a, in lamah nise hreipui nen kawngkhar bul ah _____ hmarhcha rawtdip _____ inzirtir laite kha, vawiin niah chuan Motor pakhtah an chuang ho thei ta, truck pakhtah an chuangho thei ta. He kan Governor thusawi atang khan a thu a tha khat a ni lawm ni. A va ropui em ! An hotu pakhat chuan a hreril apiang hi kan buai mai a ni tiin ka hnenah a sawi a, a dik viauin ka hria a. Hengte pawh hi hlawtling tak tak se Mizoram han thawkho tak tak se tih hi kei ka duhpui tak tak asin. Mahse keia lo duhsakna ringawt chuan a tihlawtling lo ang tih chu ka hlau si a ni. Chutiang chuan he Sorkar ina a hnthawhah hian Indaidanna bang a rawn thiah dan te, tin, chumi piah lam-pangah hona ram atangin keinin van khua leh tui min nihtir hi a ropui a ni lawm ni. Ringtu kan nih naah hian helai kan sawichhuah chuan a subject lo kan sawi tel pah hlauh thei a, ka sawi thui lo ang a. Van khua leh tui min nih tirtu chu Krista a ni tih chu member zahawm tak khan min hriat sak se, lo hria sela ka duh khawp mai. Krista avang zawka kan thewlehna hi a la hrothiam lo a ni ang e. Chuvang chuan Pu Dy. Speaker, bona roma leng tawh a kha, khawng e i pa kha ? Buhbanah a zin vang vang. Hun rei vak lovah chuan chhungkua curfew kara tah thin laia, mi rilru tihnat ka tumna a ni love. He kan hruaitu hi hruaitu tling a ni tih hi kan sawiin kan hrilhfiah a ni.

Pu Deputy Speaker, vawkte chung-chang kan sawi taivet helai House ah hian, kan duhlo tak tak anih chuan kan mipuite hnenah la la suh u ti ngam ang hmiang. Lehlama thu hian an pawlte henah hian lo la suh u ti ta che u, Mipuite hnenah hian. Hei tunah Budget kan pharh leh tawh, kan Finance Minister Budget han pharhah pawh hian thingtlang mi rethei te chan tur Rs. nuai sang tam lo langin engah nge lawnpui tak aruanga kan itsik ni. Zakhua tuna retheihna khur a awm tawh te, mahni inchhung atanga arsi chhiar mek tawhte hian he Budget thu an lo hriat hian an neih ang tawt tawt in an lo ai ngei ang. Vawiin niah hian, chu chu a ni vawiin ni ah hian. Chuvangin he Sorkarin a hmalak tumna ah hian thingtlang pawh an lawm. Lal Thanhawla Sorkar hi Rangva pawh sem tir tawh suh u ti a V.P. Singha Sorkar lai a inhekna te kha kan hria asin. Kan hotuten remna leh muanna atan kan seat kan kian ang an ti a, an kian mai. Rangva kan sem ang an ti a, an sem mai. Ka lawm e.

DEPUTY SPEAKER

: Pu Zoramthanga, hei minute 10 chiah a awm tawh a. Dar 4 thlong chiah chiah i hman chuan a dik a ni mai.

PU ZORAMTHANGA

: Pu Deputy Speaker, ka lawm e.
Hei vawlinah kan Governor Address
sawi ho turin kan lokal khawm a,
hun min pek avangin ka lawm a.

Kan Governor Address hi ram hetiang
hian tunah kan dinhmun chu a awm a. Chumi karah chuan hei
a bul inhawna kan zuk en chuan a hmasa berin kan problem
leh kan mipuite harsatnate economic a kan harsatna leh kan
tum dinhmun te tan hmam kan Chief Minister Pu Lal Thinhawla
fakna in an tan phawt a. Kan thian pakhat fiamthu thewhin
min faktu dang vak an awm lo bawk a, mahni infak tan phawt
ila a tha ange a tihte pawh min hriatchhuah tir rum rum a.
Chuvangin hetah hianin ram mipuite hnena lawmthu sawina tur
thute leh thil dang zawng zawng aini a infakna ah hian kan
tan ta a. Engemaw a awmzia chu aw ka ti a. Thil pakhat
kan hriat kan sawi duh chu tunah hian kan ram economic din-
hmunah hian thingtlangah mipui an lawm tak tak ani tihte
tun budgēt ah hian an lawm tak tak a ni, tun Sorkar chuan
an tha a ni an thalo a ni tihte, an fel a ni, fello a ni
tihte hi engzat pawh sawi ila an dinhmun dik tak chu keinin
kan hria a, amahni pawhin an hria a. Chuvangin hei hi chu
sawi tam ngai lovin tuna kan hmuh ang hi anni ringawt mai
a ni. Chuvangin helai ka zuk en hian a bul intanna ah hian
Chief Minister fakna in a intan a, tin, chumi rual chuan kan
sawi tamah pawh Award an hmuh tam zia te pawh kan sawi uar
nasa hle a, a tha khawp e. Amaherawhchu, ka rilrua ka hriat
chu Olympic hmasa ah mi ramah a tel ve a, chutah chuan Sa-
kawr tawlailir intlansiakna-ah a tir lamah a chesual a, a
chilhnum theih a, thui pawh a tlan hman lova, amaherawhchu
a endiktu te an thiam hrim a, lawmman pakhatna chu a la ta
thova. Chumi hnuaah chuan an zawh meuh chuan Gold Medal 363
a la hawng a. Tichuan chutih lai chuan Rom khawpui an re-
theihzia leh mipui an mangan zia leh an rum nasat zia chu kan
hmu bawk a ni.

Chuvangin tunah hian a opening
speech a a bul tanna kan Chief Minister te leh Mizoram mipui
te leh mi dang zawng zawng te an hmaa ropuzia leh lo finzia
leh an khawsak ropuzia, han infakna awri ha enge maw ni le
tih ka zuk ngaihtuah chuan saptawngin sawi ta ilang. It is
hit master's voice ka ti a ni. Chuvangin his master's voice
in kan tan a. Tichuan hetah play back singer kha hei hian
a tarlang hle in ka hria a. Chuvangin hei hi a bul kan in-
tanna-ah chuan a hmasa berin self kan han dah phawt chu anih
hi. Hei hian kan policy chu thil dang zawng aini a hailang
chiang a. Mipuite an lan hmam 'kei' a lang hmasa ber a.
Lallukhum inkhuntirna leh ropui inkhuntirna anihnaah phei
chuan Cabinet Minister nih beiseina tawngkam niawm hial
khawpin kan opening speech hi kan han hmang ta ani. Hei hian
kan policy leh kan nature a tarlang hle in ka hria a ni.

Tin, a dawt lehah kan sawi duha
chu, hei hi chi hrang hrang, a point a pawh kha han en diah
diah ta ila, substantial a tam lo em em mai a. Pakhatna ah
chuan General Statement ram chhunga enforce chi hrang hrang
communalism leh thiltih, thil kal chungchang thu in general
in a rawn sawi a. Pahnihna ah H.F.C. chungchang thu ah
beiseina remna siam turin kan neih thu a sawi a. A dawt leh
ah kha chuan Rangarajan Committee recommendation a an lungawi
lohzia thu nimahse chutah chuan kan Sorkar hianin he Tenth
Finance Commission lo awm tur atan hian Unit position ah kan
luh theihna turin tih theih, kein beisei, tih inhnemna
tawngkam thu hnahnung non.

Tin, parukna North Eastern Council a beiseina tlem leh State Capital Project a beiseina kal thu, amaherawhchu a tak erawh chu la lang lote. 8-na ah Hydrel Project lian hrang hrang tih beisei leh tumna nen. 9-na Pragati Maidan chungchang thua kan zuk hawn ne. Tin, 8 na ah kan Honourable member ten an sawi angin We propose to persuade Civil Aviation Ministry - Civil Aviation Ministry te persuade na tura an propose na thu nen. A 9-na ah chuan Social justice ensure na tura emphasis an laid, a saptawngin zuk repeat ta ila. Chumite chu a tlangpui khan a vision khan a inzam ruak ringawt mai a, kan Governor hian definite deuh hlek chuan speech hi rawn siam se a tha khawp in ka hria a. Chutah chuan kan sawi duha chu kan Finance chungchang thu ah chuan

Note : Amplifier minute khat vel a tha lo) lungawi lohna em em tur khawp kan Finance Minister in a speech a neihah te pawh khan a rawn lang a, khang zawng zawng te pawh kha engatinge maw kah thlen tak le, khang te pawh kha advance deuh hian helajah pawh hian party bawkin a Ministry a form a ni si a, engah nge maw fatlum nihna leh chahbi vawngtu ni ta fam chu lawngawi loh thu ngawt kan chhakchhuah, kan hotuten aw, Finance Minister chu sawi loh, a Governor thleng thleng a hetiang chahbi vawngtu ina hetiang kan thlen tak mai hi engatinge maw keimahni pawh kan awmdanah hian kan fate pawhin min rin tak lohna turin kan Financial control leh kan financial restrack ah hian kal diklohna kan nei ta deuh em ni tih hei hian min hriattir hle in ka hria a. North Eastern Council ah pawh bseiseina hi neih san a harsa hle in ka hria a. Tin, capital project ah pheh chuan tunah chuan suangtuahna main a la ni a, engmah ri ruang reng a la lang rih lo a ni.

Tin, a pariatna Hydrel Project a kha han sawi leh ila. Hydrel Project ah khan kan rhrat angin a tum chu a tam khawp mai a. Tuirial te, Tuivai te, Chhimtuipui Project te, tha pui pui a tam khawp a. Amaherawh chu tu pa mikhual chawhmeh eipui tur nei lovin emaw ngawpui a a Sazuk kah hual tam zia tin, a Lawisa lei hual tam zia, Saisa kah hual tam zia a sawi teuh mai a, mahse an chaw ei laiah khan chawhmeh an mamawh tawh a ni si a, tih ang deuh vin, helai hi kan sa kah hual tamzia sawi ngawt hi, tunah chawhmeh kan duh tawh a kan englova, kan mangang a ni tawh si a, hetih lai hian hei ngawt lo hian a tih theih lawm ni tih ka zuk sawi duh a.

Tin, chulovah chuan Mini Hydrel leh Micro Hydrel Project neuh neuh ah hian tunah hian vaibelchhe sangthum chuang kan seng tawh a ni a. Hemi ah hian immediate, nakinah Hydrel Project lian deuh vawin ah siam tan mah ila, kum nga nge, kum sarih nge, kum riat nge, a zawh hun tura chu kum sawngnge a project in a clip chu a awm dawn tih kan hria. Amaherawhchu kha interim clip ah pawh khanin organic arrangement kan mamawh zia chu phai lam atangin kan power hmuh hi a tlem lam, a tam lam ain a tlem lam zel a ni si a. Chutih laia kan lak theihna tur chuan hetah hian generator ringawt pawhin MW khat siam thei hi 1.254 in a establishment in a prove na tur nen a daih a. chu chu company pawhin an tih theih lai a ni a, heta nuai sangthum, crore 30 aia tam hi chuan MW 25 te chu a lei zo a ni. interim arrangement chuan. Chumi ang chuan ti ta ila chu, tunah immediate hian Mizoram hian kan harsat hauh lovang. Chumi anih avang chuan hei han en ta ila, keipawh ka bialah, kan sawi fo thin, Tuipui - Tlabung Project te chu an hawng dawn a. nuai 300

deuh thaw an song a, chumi an hawn na ah chuan a bialtu
MLA pawh sawm lohvin ka awm a. Tichuan ka hriat miah
lohvin ka bial a mi kan kawmthlang lawk a mi, nuaih zathum
man khati khawpa ropui kha an han hawng a. Amaherawhchu
le sawm chi pawh ka lo ni lova, an hawn hnu lawk atangin
a thim nghal hmek mai a. An pawisa sen zat nuaih zathum
deuh thaw a ni tih ka han hriat kha chuan, ka bial mipuite
chuan, aw nuaih khat khan Mombati chu lei se min sem se
kan hlawk zawk tur kan ti ringawt tawh mai a ni.

Chuvangin vawin ni thleng khian
a thim a, enga tinga kan tih chuan a hrui Sazu in a seh
chat a ni ang ti an awm, a khawl a chhia a ni ang ti an awm,
anah loh leh an tuikhuah pawh a tir atang khan a then a
leak a, chu chu a ni ang ti an awm, a chanve pawh kan hre
thei lova, khatiang kha kan ni. Chuvangin chutiang chuan
arrangement kan siam theih a ni a.

Tin, hei a pakua na ah hian kan
ngaih pawimawh ber mai chu Pragati Maidan, New Delhi ah
Mizoram Emporium kan hawng e kan ti a, a buaithlak ber chu
a lei luh lampang a awm lo hi a ni a. Foreign lampang pawh
beisei awm kan ti a, Maida a zuk inchhek arbawm a, khuta
Video Camera nen a zuk lakah khu chuain a ni e, kan chhuan-
awm khawp mai, amaherawhchu a buaithlak a chu a sum lakluh
lampang a kha kan ramah economy a awm thei ta thin lova,
a hawn ton leh a show ah chuan leh chuan kan tha tlang
khawp mai, chuvangin heng zawng zawngah hian a taka awm
turin reality implete turin, his master voice mai ni lovin
a tak a hemi hi kan Governor hi thusawi tir nise chuan a
mipui te tan kan hlawkpui tur. Chuvangin hei ringawtah
chuan lawmthu han sawina tlak a ni lova, kan sakah hual tam
ringawtah zawng, chawhmeh kan mamawh tawh anih hi kan ti ani.
Ka lawm e.

DEPUTY SPEAKER : Vawin kan hun chu khi dar li (4)
a ni a, a tawp leh ta der mai a.
Naktuk ah question hour zawng hnu

ah hian Governor Address bawh kha kan sawi ho leh ang a.
Sawi lo engemaw zat kan la awm a, sawm pathumin kan sawi
tawh a, naktuk dar 10:30 ah kan tan leh ang a, i tin ang a.
4:00 P.M.

The meeting was adjourned till
10:30 A.M. on 17.4.1993.

....